

REFERAT AIA - Aningaasaqarnermut Inuussutissarsionermullu Ataatsimiititaq d. 13-06-2024

Mødedato Torsdag d. 13. juni 2024 kl. 18:00

Mødested Kommunalbestyrelsep ataatsimiittarfia

Indholdsfortegnelse

Saqqa.....	3
Oqaluserisassat akuersissutigineqarneri.....	4
Nalunaarutit.....	5
Kuussuaq aamma H.J. Rinkip aqquataata akornata biilnik aqqusaarneqartarnerata matuneqarnissaa l	6
Najukkami Tapiissuteqartarfik – Lokalpuljen malittarisassatut siunnersuutit.....	9
2024-mi imminut toqunnissamik pinaveersaartitsinermut aningaasanik atuineq.....	12
MISI-p 2023-mut ukiumoortumik nalunaarusiaanik ilisimatitsissut.....	15
Tusarniaassutit pillugit ilisimatitsissut.....	18
Paamiut pillugit isumaqatigiissut 2024 pillugu ukiumoortumik killiffimmik ilisimatitsissut.....	20
Imigassanik aalakoornartulinnik nioqquteqarsinnaanermut akuersissummik qinnuteqaammut siumo	23
Imigassanik aalakoornartulinnik nioqquteqarsinnaanermut akuersissummik qinnuteqaammut siumo	26
Kommunip ingerlatseqatigiiffiini ataatsimeersuarneq 2024.....	29
Nunaqarfinni Aqutsisut 2024-mut missingersuutitut kissaatigisaat pingaarnersiukkat.....	32
Nuummi ooqattaasarfik.....	35
Ataatsimiititap kommunip avataanut angalanera, ukiaq 2024.....	37
ESANI A/S-p 2023-mut ukiumoortumik nalunaarusiaata akuersissutigineqarnera.....	39
Iluarsiissuteqarneq, kommunimut pilersaarummut tapiliussassaq 3C9-1 Inuusutissarsiuqarfik mit	42
2025-mut Missingersuusiornermut malittarisassat.....	45
Nuummi najugaqatigiiffinnik sisamanik pilersitsinissaq pillugu aalajangiineq.....	48
2024-miit 2028-mut Utoqqaat pillugit immikkoortumut pilersaarutip akuersissutigineqarnera pillug	51
Nuummi Aalborgimut ulloqartitsinermut malinnaaffiginninneqx.....	55
Lukket.....	59
Lukket.....	60
Lukket.....	61
Lukket.....	62
Lukket.....	63
Lukket.....	64
Tamalaat.....	65
Imaqarniliap akuerineqarnera.....	66

Punkt .: Saqqaa

Ilaasortat

Avaaraq S. Olsen (IA) *siulittaasoq*

Juaaka Lyberth (IA)

Uju Petersen (IA)

Justus Hansen (D)

Dorthe-Marie Mogensen-Fontain (S)

Doris J. Jensen (S)

Peter Davidsen (S)

Beslutning

Ataatsimeeqataasut:

Avaaraq Olsen (IA)

Juaaka Lyberth (IA)

Uju Petersen (IA)

Peter Davidsen (S)

Doris J. Jensen (S)

Attaveqaatitigut peqataavoq:

Dorthe-Marie Mogensen-Fontain (S)

Ataatsimeeqataasinnaanatik nalunaartut:

Justus Hansen (D)

Punkt .: Oqaluuserisassat akuersissutigineqarneri

Beslutning

Oqaluuserisassat akuersissutigineqarput, imatut allannguutitalerlugit:

Imm. 20 aamma imm. 22 kinguartinneqarput.

Punkt .: Nalunaarutit

Punkt 1: Kuussuaq aamma H.J. Rinkip aqutaata akornata biilnik aqusaarneqartarnerata matuneqarnissaa Nuuk Centerip eqqaaniittoq

Beslutning

Ilisimatitsissut tusaatissatut tiguneqarpoq.

Bilag

Misiligummik suliassap inissisimaffiata assitaa

Aaqqiaginnngiffiusut sumiinnerat

Misiligummik suliassap assitaa



Kuussuaq aamma H.J. Rinkip aqquataa akornata biilnik aqquasaarneqartarnerata matuneqarnissaa Nuuk Centerip eqqaaniittoq

Ilisimatitsissut

SagsID.: EMN-2023-02878

Sanarfinermut Avatangiisinullu Ingerlatsivik – pisortaq Søren Pedersen / SSKP

Inassuteqaat

Illoqarfimmik Ineriartortitsinermut Sanaartormullu Ataatsimiititap Aningaasaqarnermut

Inuussutissarsiornermullu Ataatsimiititamat inassuteqaatigaa:

- ilisimatitsissut tusaatissatut tiguneqassasoq
- suliaq Kommunalbestyrelsimut ilisimatitsissutitut ingerlateqqinneqassasoq

Suliassamik saqqummiussineq

Sanarfinermut Avatangiisinullu Ingerlatsiviup matumuuna Kuussuaq aamma H.J. Rinkip aqquataa Nuuk Centerip eqqaaniittup biilnik aqquasaarneqartarnerata matuneqarallarnissaanik siunnersuut saqqummiuppa

Kommuneqarfiup Allaffia, blok-2 aamma Nuuk Center assigiinngitsunik qalliusersugaallutik ataqatigiipput, kuluusinik, asfaltimik ujaqqanillu kipparissunik. Aqqut tamanna attaveqaasersuutitigut ajoqusikulasuvoq, imaarsaasarneq aammalu ukiukkut aputaajaaneq pissutigalugit. Aqqummi tassani pisinnaat immikkut aqquaqartinneqanngillat, taamaattumillu aqqutissarsiornermi 100 meterit qaangerlugit biilit unittarfianni biilertut akornanni, biilit kinguporsortut aammalu angallassissutit allat atortagaat aqquasaarneqartarpoq. Tamatuma kingunerisaanik angallattut assigiinngitsut akornanni navianarsinnaasarpoq. Unammilligassat qulaani taaneqartut tunngavigalugit, ingerlatsiviup kissaatigaa Kuussuaq aamma H.J. Rinkip aqquataa akornanni biilnik aqquasaarneq matuneqarallassasoq. Rinkip aqquataa Taamaaliornikkut aaqqiagiinngissutaasartut aaqqiissuteqarfiginissaat naatsorsuutigineqarpoq, sumiiffimmilu angallannermi isumannaallisaaneq annertusineqarluni.

Pissutsit pioreersut

Aqqut biilinit aqquasaarfigineqartartoq matuniarneqartoq tassaavoq Katuap aamma Nuuk Centerip akornanniittoq, ullumikkut assigiinngitsutigit unammilligassaqarfiusoq, tamakkununnga ilanngullugit angallannermi isumannaallisaaneq nunataalu. Titartagaq ilanngussaq 2-miittoq takuuk.

Unammilligassat tassaapput:

- Ullumikkut angallaffiit sisamaapput (pisinnaat ingerlaffigisartagaat, saamerleq aamma talerpilleq)
- Biilit kingumorsortut aamma lastbiilit
- Biilit aqquasaartut
- Pisinnaat amerlasuut tamanna aqqutigisarpaat (pisinnaat)
- Aqqut ajorsinikoq- stikasse

Angallattut assigiinngitsut akornanni aaqqiagiinngissutaasartut annikillisinnaarlugit, aqqutit marluk aqqummi tassaniittut, biilit unittarfii arfinillit ilanngullugit matuneqassapput. 2023-mi angallannermi nalunaarsuutit Viatrafik-imit ingerlanneqartut naapertorlugit, centerip eqqaani biilit unittarfiinik suli 50-inik inissaqarpoq, aamma qanorluunniit biilit uninngasut amerlanerpaajusaraluarpata. Taamatut iliuuseqarnikkut sumiiffimmi unammilligassaasartut pitsaanerpaamik atorunnaarsivinneqarsinnaanerit ilimagineqarpoq. Taamatut iliuuseqarneq nakkutigineqassaaq



piffissamilu ingerlaavartumik nalilersorneqartassalluni, iliuuserisaq kissaatigisatut ilimagisatullu sunniuteqassanersoq qulakkeerniarlugu.

Iliuuseqarnertaa

Kuussuaq aamma H.J. Rinkip aqquataata Nuuk Centerip eqqaaniittup matuneqarnera angallannermut politikkimut uiggiutaavoq, tassanilu siunertarineqarluni politikkami suliniuteqarfiit pingasut siuarsaavigineqarnissaat:

- Angallaffigiuminassuseq: Aqqusaarneqartarnerata matuneqarneratigut Nuup qeqqata, Kissarneqqortuunnguami aamma Atuarfik Inussuk akornanni sunngiffimmi neqeroorutinut pisuinnaat apuuffissaminnut qaninnerusukkut immikkullu aqquteqarnikkut qulakkeerinniffigineqassapput
- Angallannermik isumannaallisaaneq: Aaqqiagiinngiffiusut marluk peernerisigut taava aaqqiagiinngiffik ataasiinnaq kiserngorutissaaq saavatigut ammullu ingerlaffiusartumi angallannermi isumannaallisaaneq pitsannngortissagatsigu. Biilinit aqqusaarneqartarnerata matuneqarneratigut biilit unittarfianni biilerneq sukkaallisineqassaaq
- Illoqarfimmi inissaqarluassuseq: Biilit unittarfiinik arfinilinnik atorunnaarsitsinikkut sumiiffik siunertanut allanut atorneqarsinnaalissaaq, ungasinnerusoq eqqarsaatigalugu Kommuneqarfiup Allaffiata Katuallu akornanni pilersaarutaasumik sunngiffimmi sammisassaqtitsiviusarnissaanut tapertaasinnaalluni

Matusineq siullermik misiligutaassaaq, maajip qiteqqunneraniit aallartilluni aasaanera tamaat pissalluni. Piffissami tassani akimmiffiusartunik betoninik inissiisoqassaaq. Akimmiffiusartut taakkua biilit aqqusaarsinnaajunnaartissavaat, pisariaqartitsinerlu naapertorlugu inissisimaffii nikisinneqarsinnaapput pisuinnaat angallanneranni isumannaallisaaneq qulakkeerniarlugu. Piffissaq naliliiffiusoq qaangiuppat aaqqiissutissat ataavartut atuutilersinneqarsinnaapput. Malugissallugu pingaaruteqarpoq, aaqqiissutissatut siunnersuut taanna aputaajaanermut akornutaassanngimmat. Aaqqiissutissatut siunnersuut pillugu immikkualuttut pillugit ilanngussaq 3 takuuk.

Ingerlatsivimmit aningaasatigut sulisoqarnikkullu naliliinerit

Misiligummik suliassaq Materialegårdenimit ingerlanneqassaaq. Suliassartavia attaveqaasersuutinut aningaasaliissutit iluannit aningaasalersorneqassaaq.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaatiillit

- o Kommunimut pilersaarut digitaliusoq www.kp.sermersooq.gl
- o Kommunimut pilersaarummut tapiliussaq 1C12-5
- o Sermersuumi angallannermut politikki

Siusinnerusukkut aalajangiinerit

Illoqarfimmik Ineriartortitsinerimut Sanaartornermullu Ataatsimiititaq, 21.05.24:

Ilisimatitsissut tusaatissatut tiguneqarpoq.

Ilanngussat

1. Misiligummik suliassap inissisimaffiata assitaa
2. Aaqqiagiinngiffiusut sumiinnerat
3. Misiligummik suliassap assitaa

Punkt 2: Najukkami Tapiissuteqartarfik – Lokalpuljen malittarisassatut siunnersuutit

Beslutning

Ilisimatitsissut tusaatissatut tiguneqarpoq.

Bilag

Atissaatut siunnersuut Najukkami Tapiissuteqartarfik - Lokalpuljen



Najukkami Tapiissuteqartarfik – Lokalpuljen malittarisassatut siunnersuutit

Ilisimatitsissut

SagsID.: EMN-2024-01829

Meeqqanut Atuarfeqarnermullu Ingerlatsivik – pisortaq Lone Nukaaraq Møller / LNM

Inassuteqaat

Meeqqanut, Ilaqutariinnut Atuarfeqarnermullu Ataatsimiititap Aningaasaqarnermut

Inuussutissarsiornermullu Ataatsimiititamat inassuteqaatigineqarpoq:

- malittarisassatut siunnersuutit, ilanngussaq 1-imi allaaserineqarnerattuut tusaatissatut tiguneqassasoq
- suliaq Kommunalbestyrelsimut ilisimatitsissutitut ingerlateqqinneqassasoq

Suliassamik saqqummiussineq

2024-mut missingersuutit pillugit isumaqatigiisummi "Najukkami aqqissuussanut sammisassaqtitsinernullu" 2,5 mio. kr.-nik immikkoortitsisoqarpoq Kommuneqarfik Sermersuumi najukkami pitsaaliuinermi suliniutinik sunngiffimmilu sammisassanik siuarsaanissaq siunertaralugu. Najukkami Tapiissuteqartarfik – Lokalpuljen najukkami suliniutinut, nutaaliortitsinermut, piujuartitsinermut, aammalu kommunimi ataatsimoornermut nukittorsaataasunut tapersersuutissatut siunertanut aningaasatigut tapertaasussatut ilusilersugaavoq.

Tapiissutissat atorlugit nutaaliornermut tunngasunik, piujuartitsinermik siuarsaataasunik, ataatsimoornermik nukittorsaataasunik, nammineq kajumissutsimik suleqataanermik tunngavilinnik, aammalu sunngiffimmi periarfissanik ikorfartuinissamut siunertaavoq. Pingaaruteqarpoq erseqqissassallugu, kommunip nammineq suliffeqarfiutai aamma avataani ikiortigisartagai tapiissuteqartarfimmut qinnuteqarsinnaammata, taamaanneratalu Najukkami tapiissuteqartarfiup ammasuunera pissarsiariuminarneralu erseqqissarneqarpoq.

Siunnersuummi aamma qinnuteqarnerup ajornanngitsuunissaa sapinngisamillu pissarsiariuminartuunissaa pingaarutilittut erseqqissaatigineqarpoq, najukkami suliniutit pigiliussat siuarsarneqarnissaannik kommunip kissaateqarneranut naapertuuttoq. Tassunga ilaatinneqarput qinnuteqaateqarnermi nalunaaruteqartarnermilu erseqqissunik malittarisassaqaarnissaq, aammalu qinnuteqaatinik sukkasuumik naapertuilluartumillu suliarinnittarnissaq.

2025 aallartinnerani politikernut ilisimatitsissummik suliamik saqqummiussisoqarumaarpoq, tassanilu 2024-mi suliniutit suut tapiissuteqarfigneqarsimanersut allaaserineqassallutik.

Ingerlatsivimmit aningaasatigut sulisoqarnikkullu naliliinerit

Tapiissuteqartarfik pilersinneqarmat 2024-mut missingersuutit pillugit isumaqatigiisummi 2,5 mio. kr.-it immikkoortinneqareerput. Taakku iluani tapiissuteqartarfimmut aningaasaliissutinit 10%-it allaffissornermut atorneqassapput.

Suliffeqarfimmut Kiffartuussivimmit aningaasatigut sulisoqarnikkullu naliliinerit

Suliffeqarfimmut Kiffartuussivik allanik oqaaseqaatissaqaanngilaq, taamaallaat suliniutit tapiissuteqartarfimmit taperneqartut aningaasaliissutit iluaniittut aammalu 10% tikillugit allaffissornermut aningaasaliissutinut ilanngunneqarumaartut.

Inatsisitigut tunngavissaq allakkallu tunngaviusumik uppersaatiillit

- o 2023 - 2025-mut Suleqatigiinnissamik isumaqatigiissut
- o 2024-mut missingersuutinut isumaqatigiissut



- Aningaasarsianit akileraarutit pillugit Inatsisartut inatsisaat nr. 12, 2. november 2006-imeersoq.
- Aningaasarsianit akileraarutit aamma sulisoqarnermut akitsuutip akilersinneqartarneri pillugit Namminersorlutik Oqartussat nalunaarutaat nr. 10, 20. september 2011-meersoq

Siusinnerusukkut aalajangiinerit

Meeqqanut, Ilaqutariinnut Atuarfeqarnermullu Ataatsimiititaq, 23.05.24:
Inassuteqaat akuersissutigineqarpoq.

Ilangussaq

1. Atissaatut siunnersuut Najukkami Tapiissuteqartarfik - Lokalpuljen

Punkt 3: 2024-mi imminut toqunnissamik pinaveersaartitsinermut aningaasanik atuineq

Beslutning

Ilisimatitsissut tusaatissatut tiguneqarpoq.

Bilag

2024-mi imminut toqunnissamik pinaveersaartitsinermut aningaasanik atuineq



2024-mi imminut toqunnissamik pinaveersaartitsinermit aningaasanik atuineq

Ilisimatitsissut

SagsID.: EMN-2024-01606

Meeqqanut Atuarfeqarnermullu Ingerlatsivik – pisortaq Lone Nukaaraq Møller / LNM

Inassuteqaat

Meeqqanut Ilaqutariinnut Atuarfeqarnermullu Ataatsimiititap Aningaasaqarnermut Inuussutissarsiornermullu Ataatsimiititamat inassuteqaatigineqarpoq:

- Ilisimatitsissut tusaatissatut tiguneqassasoq
- suliaq Kommunalbestyrelsimut ilisimatitsissutitut ingerlateqqinneqassasoq

Suliassamik saqqummiussineq

2024-mi missingersuutitut isumaqatigiissutitut atatillugu Kommunalbestyrelse siunertamat imminut toqunnissamik pinaveersaartitsinermit 3,5 mio. koruuninik immikkoortitsivoq. Aningaasat Meeqqanut Atuarfeqarnermullu Ingerlatsivimmi Ineriartortitsinermit, Peqqinnermik Siuarsaaneq Pitsaaliuiner mullu Immikkoortortami inissisimapput. Missingersuutitut isumaqatigiissummi takuneqarsinnaavoq, aningaasat pingaarnertut imminut toqunnissamik pinaveersaartitsinermit sulisunik ilinniartitsinermit atorneqassasut. Meeqqanut Atuarfeqarnermullu Ingerlatsivimmit aningaasat qanoq atorneqassamaarnersut matumani ilisimatitsissutigineqarpoq.

Ineriartortitsinermit, Peqqinnermik Siuarsaaneq Pitsaaliuiner mullu Immikkoortortamit Paarisa aamma Innuttaasut Peqqissusiannik Ilisimatusarfik imminut toqunnissamik pinaveersaartitsinermit atatillugu suleqatigineqarput. Taassuma saniatigut nuna tamakkerlugu imminut toqunnissamik pinaveersaartitsinermit periusissiaq *Qamani* tunngavigineqassaaq. Qamani innersuussutigineqarpoq, imminut toqunnissamik pinaveersaartitsinermit pissutsit illersuutaasut ukkatarineqassasut.

- Ilaqutariinni attaveqatigiinnernik inooriaatsimillu patajaallisaaneq
- Najukkami inuiaqatigiinni utoqqarnut piorsarsimassutsikkut atassuteqarneq pitsaasumillu attaveqarneq
- Siunertaqarluartunik peqataatitsisunik sammisaqarneq ataatsimoorfeqarnerlu, piorsarsimassutsimik naleqartitanillu tunngavilinnik
- Pinngortitami sammisaqarneq

Toqqaannartumik aamma toqqaannangitsumik imminut toqunnissamik pinaveersaartitsinermit suliaqartoqarsinnaavoq.

Toqqaannangitsumik imminut toqunnissamik pinaveersaartitsineq assersuutigalugu tassaasinnaapput ataatsimoorfinnut peqqinnartunut aamma peqataatitsisunut sinaakkutit pitsaasut, isumakkut peqqissuuneq kiisalu aanngajaarniutinik atuilernissamik pitsaaliuineq.

Toqqaannartumik imminut toqunnissamik pinaveersaartitsineq tassaasinnaavoq sulisunik innuttaasunik qanimut sullissisunik piginnaasanik ineriartortitsineq, taamaalilluni innuttaasunut imminut toqunnissaminnut ulorianartorsortunut ilaqutaasunullu ikiuisinnaalissammata.

2024-mi aningaasat kommunimi ingerlatsiviit akimorlugit sulisut qanimut innuttaasunik sullissisut piginnaasaannik ineriartortitsinermit pingaarnertut atorneqarnissaat naatsorsuutigineqarpoq.

Pikkorissarnerit Tasiilami, Nuummi, Ittoqqortoormiini aamma Paamiuni ingerlanneqarnissaat ukkatarineqarpoq. Taassuma saniatigut aningaasat ilaatigut imminut toqunnissamik pinaveersaartitsilluni sammisaqarnermut aamma meeqqat inuusuttullu toqqaannartumik siunertaralugit suliniutinut atorneqassapput, tassunga ilanngullugu Tasiilami inuusuttunut Mountain Leaderimik ingerlatsinermit. Suliniutit, ingerlatsinerit sammisallu pillugit itisilernerit ilanngussaq 1-mi nassaassaapput.



Ingerlatsivimmit aningaasatigut sulisoqarnikkullu naliliinerit

Meeqqanut Atuarfeqarnermullu Ingerlatsivimmit 2024-mi siunertamut aningaasat immikkoortinneqartut atorineqarnissaat siunnerfilimmik sulissutigineqarpoq, kisianni 2024 naatinngu piginnaanernik ineriartortitsinissamut aningaasat tamaasa atornissaannut atatillugu piffissatigut unammilligassaqarput. Taakku 3,5 mio. koruunit akissarsianut matussusiisussaangimmata, sammisassat sulisooreersunit avataaneersunilluunniit ingerlanneqassapput.

Suliffeqarfimmut Kiffartuussivimmit aningaasatigut naliliineq

Attuumassuteqanngilaq.

Inatsisitigut tunngavissaq allakkallu tunngaviusumik uppersaartillit

- 2024-mut missingersuutit pillugit isumaqatigiissut
- Inuit Ataqtigii Demokraatillu akornanni suleqatigiinnissamut isumaqatigiissutaat 2023 - 2025
- Qamani – Imminut toqunnissamik pinaveersaartitsineq pillugu periusissiaq 2023-2028

Siusinnerusukkut aalajangiinerit

Meeqqanut, Ilaqtariinnut Atuarfeqarnermullu Ataatsimiititaq, 23.05.24:

Ilisimatitsissut tusaatissatut tiguneqarpoq.

Ilanngussat

1. 2024-mi imminut toqunnissamik pinaveersaartitsinermut aningaasanik atuineq

Punkt 4: MISI-p 2023-mut ukiumoortumik nalunaarusiaanik ilisimatitsissut

Beslutning

Ilisimatitsissut tusaatissatut tiguneqarpoq.

Bilag

Ukiumoortumik nalunaarusiaq MISI 2023



MISI-p 2023-mut ukiumoortumik nalunaarusiaanik ilisimatitsissut

Ilisimatitsissut

Suliap ilisarnaataa: EMN-2020-01461

Meeqqanut Atuarfeqarnermullu Ingerlatsivik – pisortaq Lone Nukaaraq Møller / LNM

Inassuteqaat

Meeqqanut Ilaqutariinnut Atuarfeqarnermullu Ataatsimiititap Aningaasaqarnermut

Inuussutissarsiornermullu Ataatsimiititamut inassuteqaatigineqarpoq:

- ilisimatitsissut tusaatissatut tiguneqassasoq
- suliaq Kommunalbestyrelsimut ilisimatitsissutitut ingerlateqqinneqassasoq

Suliassamik saqqummiussineq

Suleriutsinik, atuarfinnik, meeqqerivinnik angajoqqaanillu suleqateqarnermi allarpassuarnullu tunngasunik allannguinerit pitsanngorsaanerillu killiffii kiisalu suliat kisitsisinngorlugit killiffissiornerat MISI-mit ukiumoortumik nalunaarusiami allaaserineqarput.

MISI 2023-p ingerlanerani ataasiarluni Ittoqqortoormiit aamma Paamiut tikippai marloriarlunilu Tasiilamiilluni.

Ukioq 2023 aammaarluni suliassarpassuarnik pissanganartunik imaqarsimavoq.

Suleriutsit nutaat 2022-mi ineriartortinneqarsimasut sularineqarneri atuutilersinneqarnerilu 2023-mi ulluinnarni suleriutsinut ilaaginnalersimapput. Tamatuma kingunerisaanik, meeqqamut ulluinnarni iluaqutigisinnaasaanik perorsaanikkut aamma ilikkagaqarnissamut suliniutit pillugit siunnersorneqarnissamik saaffiginnissutit annerusumik aallunneqalerput. Taamaalillunilu siusissukkut pitsaaliuinermilu suliniutit aallunneqalerlutik.

Siusissukkut aamma pitsaaliuinermi suliniutit 2024-mi annerusumik aallutiinneqassapput taakkulu saniatigut angajoqqaat, meeqqeriviit atuarfiillu siunnersorneqarnissamik siunnersiunissamullu saaffiginninnissaannut piareersimasoqarluni. Taamatuttaaq illoqarfiit inoqarfiillu minnerit tamaasa 2024-mi orninneqarnissaat pilersaarusiorneqarpoq.

Aammattaaq 2024-mi MISI-mut periusissaq sularineqarpoq.

Ingerlatsivimmit aningaasatigut sulisoqarnikkullu naliliinerit

Pisariaqanngilaq.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppernarsaatillit

- Meeqqanut suli atualingitsunut perorsaanikkut inerikkiartuutaasumik ulluunerani neqeroorutit pillugit Inatsisartut inatsisissaattut siunnersuut nr. 16, 3. decembari 2012-imeersoq
- Atuarfik pillugu Inatsisartut inatsisissaattut siunnersuut nr. 15, 3. December 2012-imeersoq
- Meeqqat atuarfianni immikkut atuartitsisarneq aamma allamik immikkut ittumik perorsaanikkut ikiorsisarneq pillugit Namminersorlutik Oqartussat nalunaarutaat nr. 21, 8. december 2017-imeersoq
- Meeqqat tapersorneqarnissaannut Inatsisartut inatsisaat nr. 20, 26. juuni 2017-imeersoq



Siusinnerusukkut aalajangiinerit

Meeqqanut, Ilaqtariinnut Atuarfeqarnermullu Ataatsimiititaq, 23.05.24:
Ilisimatitsissut tusaatissatut tiguneqarpoq.

Ilannugssaq

1. Ukiumoortumik nalunaarusiaq MISI 2023

Punkt 5: Tusarniaassutit pillugit ilisimatitsissut

Beslutning

Ilisimatitsissut tusaatissatut tiguneqarpoq.

Bilag

Tusarniaassutininik takussutissiaq

Tusarniaassutit pillugit ilisimatitsissut

Ilisimatitsissut

SagsID.: EMN-2024-02365

Suliffeqarfimmut Kiffartuussivik - kommunaldirektøri Ole Jakobsen / OJAK

Inassuteqaat

Suliffeqarfimmut Kiffartuussivimmit Aningaasaqarnermut Inuussutissarsiornermullu

Ataatsimiititamut inassuteqaatigineqarpoq:

- ilisimatitsissut tusaatissatut tiguneqassasoq
- suliaq ilisimatitsissutit Kommunalbestyrelsimut ingerlateqqinneqassasoq

Suliassamik saqqummiussineq

Kommuneqarfik Sermersooq ukiut tamaasa tusarniaassutinik arlalinnik tigusaqartarpoq, taakkulu ingerlatsivinnit akisussaasunit akissuteqarfigineqartarput. Suliffeqarfimmut Kiffartuussivimmit matumani suliassamik saqqummiussinermi 2024-mi tusarniaassutit tiguneqarsimasut pillugit takussutisiaq saqqummiunneqarpoq.

Kommuneqarfik Sermersooq 2024-mi maannamut tusarniaassutinik 56-inik tigusaqarpoq. Ilanngussami tusarniaassutit tunniunneqarsimasut takussutissiartaat sukumiisumik paasissutissartalik takuneqarsinnaavoq.

Tusarniaassutit tiguneqarsimasut ukiup affakkuutaarlugit ataatsimut katersorlugit saqqummiunneqartassapput.

Ingerlatsivimmit aningaasatigut sulisoqarnikkullu naliliinerit

Pisariaqanngilaq.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaattillit

- o Kommuneqarfik Sermersuumut oqartussaqaarfiit immikkoortortaannut pilersaarut

Ilanngussat

1. Tusarniaassutinik takussutissiaq

Punkt 6: Paamiut pillugit isumaqatigiissut 2024 pillugu ukiumoortumik killiffimmik ilisimatitsissut

Beslutning

Ilisimatitsissut tusaatissatut tiguneqarpoq.

Bilag

Paamiut pillugit isumaqatigiissut 2024 pillugu killiffik

Paamiut pillugit isumaqatigiissut

Ilanngussaq 1 Paamiut pillugit isumaqatigiissummut

Paamiut pillugit isumaqatigiissut 2024 pillugu ukiumoortumik killiffimmik ilisimatitsissut

Ilisimatitsissut

SagsID.: EMN-2024-01109

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

Inassuteqaat

Suliffeqarnermut Isumaginninnermullu Ingerlatsivimmit Suliffeqarnermut Isumaginninnermullu Ataatsimiititamut inassuteqaatigineqarpoq:

- ilisimatitsissut tusaatissatut tiguneqassasoq
- suliaq Aningaasaqarnermut Inuussutissarsiornermullu Ataatsimiititamut kiisalu Kommunalbestyrelsimut ilisimatitsissutitut ingerlateqqinneqassasoq

Suliassamik saqqummiussineq

Paamiut pillugit isumaqatigiissut 2019-imi Kommuneqarfik Sermersuup aamma Peqqinnissaqarfiup akornanni isumaqatigiissutigineqarpoq. Isumaqatigiissut peqqinnissaqarnermut tunngasut pillugit suleqatigiissutigineqarnissaannut atorineqartussaavoq. Peqqinnissaqarfiup Paamiunilu utoqqaat illuata akornanni qaninnerusumik illuatungeriillu paaseqatigiiffigisaannik suleqatigiillernissaq siunertaavoq, illuatungeriinnit tamanit iluaqutaasussamik.

Paamiut pillugit isumaqatigiissut Paamiuni 2019-imi nutaamik peqqissaaviup tallissutaani utoqqaat illuliortoqarneranut atatillugu isumaqatigiissutigineqarpoq. Isumaqatigiissuteqarnikkut iluaqutitalimmik atortunik sulisoqarnikkullu nukissanik avitseqatigiilluni suleqatigiinnissamut killiliussat aalajangersarneqassapput.

Ukiumoortumik suleqatigiinnerup killiffianik nalunaaruteqartoqartassaaq (ilanngussaq 1 takuuk). Suleqatigiinnerup killiffia kiisalu suleqatigiissutaalertussat matuma kinguliini eqikkarneqassapput.

2024-mi suleqatigiinnermi killiffik

- Siusinnerusukkut suleqatigiissutigineqareersut suli ingerlalluarput, soorlu unnuarsiortunik aggersarneqarsinnaasutut pigaartut ataatsimoorunneqarnerat, sapaatip akunnerata naanerani utoqqaat nerisassanik pajunneqartarnerat, ataatsimut eqqiaasarneq errorsisarnerlu kiisalu iluaqusersuutunik agguanerit
- Utoqqaat illuini pedelip suliassai arlallit nuunniarneqarnikuugaluarput. Nuussiniarnermili ajornakusoortunik nalaataqarfiusarsimavoq, utoqqaallu illuanni suliassarpaalussuit suli namminersuutigineqarput
- Unnuarsiortoqarnermi ataatsimoorussineq aamma unitsinneqarallarsimavoq. Peqqissaavik qaammatini kingullerni pisarnermiit amerlanerusunik uninngasuuteqartarpoq, taamaattumillu unnuaq naallugu sulisunik najuuttoqarluni pigaartoqarnissaa pisariaqartinneqarluni

Siunissami suleqatigiissutissat

- Utoqqaat illuani pedelip suliassaanut tunngasut peqqissaavimmuut tunniunneqarnissaat aqutsisut tulliani killiffissiuinermi pingarnerutinniirpaat. Nunap immikkoortuani peqqissaasut aqutsisuut maajimi Paamiuliassaaq, portørit suliassaanut tunngasunik suliat allattorsimaffiik suliaqarnermi suliassanillu nuussinissami suliassartaanik pilersaarusiortnermi ikiuutissalluni.
- Nuummi sulisunik paarlakaajaattumik suliartortartussanik kommune pilersitsissaaq, Paamiuni utoqqaat illuanni piffissap ilaani sulisartussanik piffissallu ilaani ilisimasanik



avitseqatigiiffiusassalluni. Tassunga atatillugu Paamiuni peqqissaaviup inissiaataanik attartortoqartarsinnaanersoq misissorneqassaaq

Paamiut pillugit isumaqatigiissutip killiffia ataatsimiititamat tulliani 2025-mi upernaakkut tunniunneqassaaq.

Ingerlatsivimmit aningaasatigut sulisoqarnikkullu naliliinerit

Aningaasatigut allaffissornikkullu kinguneqanngilaq.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppernarsaatillit

- Paamiut pillugit isumaqatigiissut aamma Paamiut pillugit isumaqatigiissummut Ilanngussaq 1
- Peqqissutsimut tunngasuni suleqatigiinnissamat isumaqatigiissut Peqqissutsimut Naalackersuisoqarfik aamma Kommuneqarfik Sermersooq

Ilanngussaq

1. Paamiut pillugit isumaqatigiissut 2024 pillugu killiffik
2. Paamiut pillugit isumaqatigiissut
3. Ilanngussaq 1 Paamiut pillugit isumaqatigiissummut

Punkt 7: Imigassanik aalakoornartulinnik nioqquteqarsinnaanermut akuersissummik qinnuteqaammut siumoortumik akuersineq

Beslutning

Inassuteqaat akuersissutigineqarpoq.

Bilag

Misissugassat allattorsimaffiat

Imigassat aalakoornartortallit pillugit politikki

Kalaallit Nunaanni Politiit

Sanarfinermut Avatangiisinullu Ingerlatsivik

Meeqqanut Atuarfeqarnermullu Ingerlatsivik, Meeqqanut Ilaqutariinnullu Ingerlatsivik

Imigassanik aalakoornartulinnik nioqquteqarsinnaanermut akuersissummik qinnuteqaammik siumoortumik akuersineq

Aalajangiiffigisassaq

SagsID.: EMN-2024-02163

Suliffeqarfimmuk Kiffartuussivik – Kommunaldirektøri Ole Jakobsen / OJAK

Inassuteqaat

Suliffeqarfimmuk Kiffartuussivimmit Aningaasaqarnermut Inuussutissarsiornermullu

Ataatsimiititamut inassuteqaatigineqarpoq

- imigassat aalakoornartortalit type-t assigiinngitsut tamaasa nioqqutigisinnaanerinit qinnuteqaat uannga: Brugseneeraq v/Susanne Christensen siumoortumik akuerineqassasoq

Suliassamik saqqummiussineq

Suliffeqarfimmuk Kiffartuussivik Brugseni-p pisiniarfimmuk Brugseneeraq, Kongevej 2 B-749, 3900

Nuuk, imigassanik aalakoornartortalinnik type-t assigiinngitsut tamaasa nioqqutigisinnaanerinit akuersissummik qinnuteqaammik tigusaqarpoq.

Qinnuteqaammik suliaqarnermut atatillugu Suliffeqarfimmuk Kiffartuussivimmit, Imigassaq pillugu Inatsisartut inatsisaat nr. 35, 23. november 2017-imeersoq naapertorlugu, paasissutissanik attuumassuteqartunik tamarmik pissarsiarineqarput.

Qinnuteqaat Kalaallit Nunaanni Politiinut, Qatserisartoqarnermut Oqartussaasunut, Meeqqanut Ilaqutariinnullu Ingerlatsivimmut, Meeqqanut Atuarfeqarnermullu Ingerlatsivimmut kiisalu Sanarfinermut Avatangiisinnullu Ingerlatsivimmut tusarniaassutigineqarpoq. Suliffeqarfimmuk Kiffartuussivik imigassanik aalakoortartortalinnik nioqquteqarsinnaanermut akuersissummik tunniussinissamut akornutaasinnaasunik oqaaseqaatinik tigusaqanngilaq.

Ikuallattoqarsinnaaneranut nalunaarusiaq suli pineqanngilaq, taamaattumik qinnuteqaatip siumoortumik akuerineqarnissaa inassutigineqarpoq.

Suliffeqarfimmuk Kiffartuussivik naliliivoq, Brugseneeraq v/ Susanne Christensen imigassanik aalakoornartortalinnik nioqquteqarsinnaaneq pillugu piumasaqaatinik naammassinnittoq . Akuersissulli aatsaat tunniunneqarsinnaalissaaq sumiiffimmik ikuallattoqarsinnaanera pillugu misissuisoqareerpat.

Kommuneqarfik Sermersuumi imigassamik nioqquteqarsinnaanermut akuersissuteqarnermik aalajangersimasumik periusaavoq akuersissuteqartarnermut atatillugu kommunalbestyrelsip politikkini malillugu assigiissaarinissamut toqqammavisoq tulliuttut tunngavigalugit allatut aalajangiisnaalluni:

- Najugaqarfiit eqqaanni sassaalliisarfiit nutaat Kommunalbestyrelsimit illoqarfiup pilersarusiorneqarnera naapertorlugu itigartissallugit nalunaarfigisinnaavai
- Sumiiffinni arlalinnik sassaalliisarfeqartoqarpat Kommunalbestyrelsimit itigartissutigineqarsinnaavoq, assersuutigalugu nutaamik sassaalliisartoqalerpat akuersissutinik peqartut akornanni unammillernissaasa annertusinissaat taamaalillutillu sakkortuumik sassaalliiniarnerat pisinnaasoq annilaanngatigineqarsinnaammat.

Pisuni allani tamakkiisumik naliliinerit tunngavigalugit imigassartornermi naleqquttumik ileqqoqarnissap qulakkeerneqarnissaanut inuiaqatigiinnut sammisumik ataqatigiittoqarnera tunngavigalugu Kommunalbestyrelse aalajangiisassaaq:

- Inuit ataatsimoortarfeqarnerat tunngavigalugu Kommunalbestyrelsimit itigartitsisoqarsinnaavoq, sassaalliiniartut assersuutigalugu timersortarfiit assigisaasalu allat qanittuanni inissisimappata, taakuummatami inuusuttunit ornigarneqarlutut.

Ingerlatsivimmit aningaasatigut sulisoqarnikkullu naliliinerit

Kommuneqarfik Sermersuumut aningaasatigut sulisoqarnikkullu kinguneqarnaviangilaq.

Suliffeqarfimmut Kiffartuussivimmit aningaasatigut naliliineq

Pisariaqangilaq.

Inatsisitigut tunngavissaq allakkallu tunngaviusumik uppernarsaatillit

- Inatsisartut inatsisaat nr. 35, 23 november 2017-imeersoq
- Imigassaq pillugu Inatsisartut inatsisaannik namminersorlutik Oqartussat nalunaarutaat nr. 47, 26. september 2023-meersoq
- Init imigassanik aalakoornartulinnik nioqquteqartarfiit sassaallertarfiillu aaqqissuunneqarneri atorneqarnerilu pillugit Namminersornerullutik Oqartussat Nalunaarutaat nr. 19 ulloq 29. marts 1990-imeersoq
- Imigassanik aalakoornartortalinnik nioqquteqarsinnaanermut akuersissutit pillugit Namminersornerullutik Oqartussat Nalunaarutaat nr. 4 ulloq 29. maj 1992-imeersoq
- Kommuneqarfik Sermersuumi imigassamik aalakoornartortalinnik nioqquteqartarneq sassaallertarnerlu pillugit Namminersorlutik Oqartussat nalunaarutaat nr. 4 ulloq 4. marts 2011-meersoq
- Imigassaq pillugu politikki – Kommuneqarfik Sermersooq, oktobari 2020

Ilanngussaq

1. Misissugassat allattorsimaffiat
2. Imigassat aalakoornartortalit pillugit politikki
3. Kalaallit Nunaanni Politiit
4. Sanarfinermut Avatangiisinullu Ingerlatsivik
5. Meeqqanut Atuarfeqarnermullu Ingerlatsivik, Meeqqanut Ilaqtariinnullu Ingerlatsivik

Punkt 8: Imigassanik aalakoornartulinnik nioqquteqarsinnaanermut akuersissummik qinnuteqaammut siumoortumik akuersineq

Beslutning

Inassuteqaat akuersissutigineqarpoq.

Bilag

Misissugassat allattorsimaffiat

Niuertarfik pillugu nassuiaat

Imigassat aalakoornartortallit pillugit politikki

Kalaallit Nunaanni Politiit

Meeqqanut Ilaqutariinnullu Ingerlatsivik

Meeqqanut Atuarfeqarnermullu Ingerlatsivik

Sanarfinermut Avatangiisinullu Ingerlatsivik



Imigassanik aalakoornartulinnik nioqquteqarsinnaanermut akuersissummik qinnuteqaammik siumoortumik akuersineq

Aalajangiiffigisassaq

SagsID.: EMN-2024-01519

Suliffeqarfimmik Kiffartuussivik – Kommunaldirektøri Ole Jakobsen / OJAK

Inassuteqaat

Suliffeqarfimmik Kiffartuussivimmit Aningaasaqarnermut Inuussutissarsiornermullu

Ataatsimiititamut inassuteqaatigineqarpoq

- Iggiaanut Catering ApS-imit imigassanik aalakoornartulinnik assigiinngitsunik tamanik nioqquteqarsinnaanermut akuersissummik qinnuteqaat siumoortumik akuerineqassasoq, akuersissullu uppersaataat pisariaqartinneqartut pissarsiarineqarpata aatsaat tunniunneqassasoq

Suliassamik saqqummiussineq

Suliffeqarfimmik Kiffartuussivik imigassanik aalakoornartulinnik assigiinngitsunik tamanik nioqquteqarsinnaanermut akuersissummik qinnuteqaammik Iggiaanut Catering ApS v/ Michael Stig Lindhartimit suliffeqarfimmik Iggiaanut Cateringimut, Iggiaanut 1 aamma 1A B-2353, 3900 Nuummiittumut atuuttussamik tigusivoq.

Qinnuteqaammik suliaqarnermut atatillugu Suliffeqarfimmik Kiffartuussivimmit, Imigassaq pillugu Inatsisartut inatsisaat nr. 35, 23. november 2017-imeersoq naapertorlugu, paasissutissanik attuumassuteqartunik tamarmik pissarsiarineqarput.

Qinnuteqaat Kalaallit Nunaanni Politiinut, Qatserisartoqarnermut Oqartussaasunut, Meeqqanut Ilaqutariinnullu Ingerlatsivimmut, Meeqqanut Atuarfeqarnermullu Ingerlatsivimmut kiisalu Sanarfinermut Avatangiisinnullu Ingerlatsivimmut tusarniaassutigineqarpoq. Suliffeqarfimmik Kiffartuussivik imigassamik aalakoortartortalimmik nioqquteqarsinnaanermut akuersissummik tunniussinissamut akornutaasinnaasunik oqaaseqaatinik tigusaqanngilaq. Ikuallattoqarsinnaaneranut nalunaarusiaq suli pineqanngilaq, taamaattumik qinnuteqaatip siumoortumik akuerineqarnissaa inassuteqaatigineqarpoq.

Imigassanik aalakoornartulinnik nioqquteqarsinnaanermut akuersissuteqarnissamut piunasaqaatinik Iggiaanut Catering ApS v/ Michael Stig Lindhartimit naammassineqartut Suliffeqarfimmik Kiffartuussivik naliliivoq. Akuersissulli aatsaat sumiiffimmik ikuallattoqarsinnaanera pillugu misissuisoqareerpat tunniunneqarsinnaalissaaq

Kommuneqarfik Sermersuumi imigassamik nioqquteqarsinnaanermut akuersissuteqarnermik aalajangersimasumik periusaavoq akuersissuteqartarnermut atatillugu kommunalbestyrelsip politikkinu malillugu assigiissaarinissamut toqqammaviusoq tulluuttut tunngavigalugit allatut aalajangiisinnalluni:

- Najugaqarfiit eqqaanni sassaalliisarfiit nutaat Kommunalbestyrelsimik illoqarfiup pilersarusiorneqarnera naapertorlugu itigartissallugit nalunaarfigisinnaavai
- Sumiiffinni arlalinnik sassaalliisarfeqartoqarpat Kommunalbestyrelsimik itigartitsissutigineqarsinnaavoq, assersuutigalugu nutaamik sassaalliisarqoqalerpat akuersissutinik peqartut akornanni unammillernissaasa annertusinissaat taamaalillutillu sakkortuumik sassaalliiniarnerat pisinnaasoq annilaanngatigineqarsinnaammat.

Pisuni allani tamakkiisumik naliliinerit tunngavigalugit imigassartornermi naleqquttumik ileqqoqarnissap qulakkeerneqarnissaanut inuiaqatigiinnut sammisumik ataqatigiittoqarnera tunngavigalugu Kommunalbestyrelse aalajangiisassaaq:

- Inuit ataatsimoortarfeqarnerat tunngavigalugu Kommunalbestyrelsimit itigartitsisoqarsinnaavoq, sassaalliiniartut assersuutigalugu timersortarfiit assigisaasalu allat qanittuanni inissisimappata, taakuummatami inuusuttunit ornigarneqarluartut.

Ingerlatsivimmit aningaasatigut sulisoqarnikkullu naliliinerit

Kommuneqarfik Sermersuumut aningaasatigut sulisoqarnikkullu kinguneqanngilaq

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviumik uppernarsaatillit

- Inatsisartut inatsisaat nr. 35, 23 november 2017-imeersoq
- Imigassaq pillugu Inatsisartut inatsisaannik namminersorlutik Oqartussat nalunaarutaat nr. 47, 26. september 2023-meersoq
- Inuit imigassanik aalakoornartulinnik nioqquteqartarfiit sassaallertarfiillu aqqissuunneqarneri atornerarnerilu pillugit Namminersornerullutik Oqartussat Nalunaarutaat nr. 19 ulloq 29. marts 1990-imeersoq
- Imigassanik nioqquteqarsinnaanermut akuersissutit pillugit Namminersornerullutik Oqartussat Nalunaarutaat nr. 4 ulloq 29. maj 1992-imeersoq
- Kommuneqarfik Sermersuumi imigassamik aalakoornartortalinnik nioqquteqartarneq sassaallertarnerlu pillugit Namminersorlutik Oqartussat nalunaarutaat nr. 4 ulloq 4. marts 2011-meersoq
- Imigassaq pillugu politikki – Kommuneqarfik Sermersooq, oktobari 2020

Ilanngussaq

1. Misissugassat allattorsimaffiat
2. Niuertarfik pillugu nassuiaat
3. Imigassat aalakoornartortallit pillugit politikki
4. Kalaallit Nunaanni Politiit
5. Meeqqanut Ilaqutariinnullu Ingerlatsivik
6. Meeqqanut Atuarfeqarnermullu Ingerlatsivik
7. Sanarfinermut Avatangiisinullu Ingerlatsivik

Punkt 9: Kommunip ingerlatseqatigiiffiini ataatsimeersuarneq 2024

Beslutning

Inassuteqaat akuersissutigineqarpoq ima oqaasertalerlugu:

Piginnittuuneq pillugu periusissiap aallartinneqarnissaa Borgmesterimit akisussaaffigineqassaaq.

Bilag

Iserit 2023-mut ukiumoortumik nalunaarutaa

Nuup Bussiisa 2023-mut ukiumoortumik nalunaarutaa

Kommunip ingerlatseqatigiiffiini ataatsimeersuarneq 2024

Aalajangiiffigisassaq

SagsID: EMN-2024-01793

Suliffeqarfimmut Kiffartuussivik – kommunaldirektøri Ole Jakobsen / OJAK

Inassuteqaat

Suliffeqarfimmi Kiffartuussivimmit Aningaasaqarnermut Inuussutissarsiornermullu Ataatsimiititamat inassutigineqarpoq:

- Nuup Bussii A/S-ip Naatsorsuutai 2023-meersut akuersissutigineqassasut
- Iserit A/S-ip Naatsorsuutai 2023-meersut akuersissutigineqassasut
- Sinneqartoorutit 2024-mut ukiumut naatsorsuuteqarfiusumut nuunneqarnissaat akuersissutigineqassasoq
- Deloitte-kkut ingerlatseqatigiiffinnut marlunnut kukkunersuiusutut toqqaqqinneqarnissaat akuersissutigineqassasoq
- siulersuisut akissarsiaasa allannguuteqannginnerat akuersissutigineqassasoq
- ulloq 14. juuni 2024-mi allaffimmi ataatsimeersuartitsinertut ataatsimeersuortoqassaaq
- ataatsimeersuartitsinissamat pisinnaatitsissut eqqartuussissuserisumut Niels Hansen Damm-imut tunniunneqassasoq

Suliassamik saqqummiussineq

Kommuneqarfik Sermersuumi ingerlatseqatigiiffinnut piginnittuunermut periaasissaq innersuussutigalugu ingerlatseqatigiiffiit kommunimit pigineqartut pillugit piginnittutut akisussaaffik Aningaasaqarnermut Inuussutissarsiornermullu Ataatsimiititamiippoq, tassungalu ilanngullugu, ingerlatsivimmit inassuteqaat tunngavigalugu ingerlatseqatigiiffinnut siulersuisunut ilaasortanik toqqaanissamat piginnaatitsissut.

Ingerlatsivimmiit siunnersuutigineqarpoq, kommunimi ingerlatseqatigiiffiit Iserit A/S aamma Nuup Bussii allaffimmi ataatsimeersuartitsinertut ataatsimeersuarnissaat 2024-mi 14. juunimi ingerlanneqassasoq. Ataatsimeersuarnissaq sioqqullugu suliffeqarfimmut kiffartuussiviup matumani pingaarnersiulluni ingerlatseqatigiiffiit 2023-mi naatsorsuutaat nassuiaatigai.

Ingerlatseqatigiiffiit 2023-mi ingerlatseqatigiiffinnut aningaasaqatigut ingerlatai

Nuup Bussii A/S-ip 2023-mut naatsorsuutini angusaani 861.000 koruuninik sinneqartooruteqartoq takutippai, 2022-mi ukiumi naatsorsuusiortiusumi 673.000 koruuninik sinneqartooruteqarluni. 2023-mi ukiumoortumut inernerit naammaginartutut isigineqarput, 2023-mi 912.000 koruuninik sinneqartoornissaq missingersuusiorneqarsimammat

Ukiumut angusat pillugit nalilersuinermi aammattaaq eqqarsaatigineqassaaq sillimmasiinikkut taarsiivigineqarnissamat sionatigut akiillsitsissutaasimasut katillugit 825.000 koruunit aningaasartuutit ingerlatseqatigiiffiup nalunaarsornikuummagit. Taamatut immikkut ittuusumik naatsorsuutini aningaasartuuteqarfineqanngippat 2023-mi ukiumoortumut angusat 1.686.000 koruuninik sinneqartooruteqarfiusagaluarput taamaallillunilu missingersuusiorneqartuni angusat pitsaanerussagaluarlutik.

Ingerlatseqatigiiffik 2023-ip naanerani aningaasat tigorianaatai 390.644 koruuniupput nammineerlunilu 20,3 mio. koruuninik aningaasaateqarluni.

Iserit A/S-ip 2023-mut naatsorsuutini angusai 74,2 mio koruuninik sinneqartooruteqartoq takutippai, 2022-mi ukiumi naatsorsuusiortiusumi -9,4 mio koruuninik amigartooruteqarluni. Ukiumi angusat

naammaginatutut isigineqarput. 2023-mi ukiumi naatsorsuusiorfiusumut angusat pitsaalluinnartut NCD-lu kattutereernerup malitsigisaanik saqqummerput, matumani realkreditimit taarsigassarsiat inaarlugit akilerneqarnerinut atatillugu aningaasat nalinginit iluanaarutit 71,5 mio koruuniusut anguneqarput. Tamatuma saniatigut kattussineq ingerlatseqatigiiffiup isertitaqarneranut nalinginnaasumik kivitsinermik kinguneqarpoq, kattussinikkut inissianik 1.000-iusunik piginnittunngorneq tunuliaqutigalugu.

NCD-mik kattussinikkut realkredit-imit taarsigassarsiat inaarlugit akilerneqarnerinut atatillugu aningaasat nalinganit iluanaaruteqartinnagu, 2023-mi naatsorsuutit inernerit 2,7 mio koruunit missaanniusimassagaluarpot, 0,4 mio koruuninik sinneqartoorutissat missingersorneqarlutik, tamanna naammaginarpoq.

Ingerlatseqatigiiffik 2023-p naanerani aningaasat tigorianaatai 33,8 mio koruuniupput nammineerlunilu 1,113 mio. koruuninik aningaasaateqarluni.

Taamaalilluni ingerlatseqatigiiffik NDC-mik kattunneqarnermigut aningaasatigut pitsanngorfiuvoq.

Ingerlatsivimmit aningaasatigut sulisoqarnikkullu naliliinerit

Pisariaqanngilaq.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppernarsaatillit

- Kommuneqarfik Sermersuup "Piginnittuunermut Periaasissaq".
- Kommunit suliffeqarfinnik pigisaasa sanaartukkanillu pigisaasa ilaasa pisiarinerinut, qularnaveeqqusernerinut attartornerannulluunniit akuersisarneq pillugu Inatsisartut inatsisaat nr. 23, 28. november 2018-imeersoq
- Ingerlatsiviit pillugit inatsisip allangortinneqarnera pillugu inatsisini assigiinngitsuni aalajangersakkat ilaasa Kalaallit Nunaannut atuutilernissaannut peqqussut nr. 2624, 28. december 2021-meersoq.

Ilanngussaq

1. Iserit 2023-mut ukiumoortumik nalunaarutaa
2. Nuup Bussiisa 2023-mut ukiumoortumik nalunaarutaa

Punkt 10: Nunaqarfinni Aqutsisut 2024-mut missingersuutitut kissaatigisaat pingaarnersiukkat

Beslutning

Ataatsimiititamiit pilersaarutit pingaarnersiorneqarput soorlu ilanngussa 2-mi ersersinneqartutut.

Bilag

Nunaqarfinnik ineriartortitsinissamut pilersaarut

Nunaqarfinni kissaatit pingaarnersiukkat 2024

Nunaqarfinni Aqutsisut 2024-mut missingersuutitut kissaatigisaat pingaarnersiukkat

Aalajangiiffigisassaq

SagsID.: EMN-2024-01833

Suliffeqarfimmum Kiffartuussivik – kommunaldirektøri Ole Jakobsen / OJAK

Inassuteqaat

Suliffeqarfimmum Kiffartuussivimmit Aningaasaqarnermut Inuussutissarsiornermullu

Ataatsimiititamut inassutigineqarpoq:

- Nunaqarfinni Aqutsisut 2024-mut missingersuutitut kissaatigisaat pingaarnersiorneqassasut
- aningaasaliissutit suliaasat akornanni qanoq agguataarneqassanersut aalajangiiffigineqassasoq

Suliasamik saqqummiussineq

Kommuneqarfik Sermersooq 2021-2025-mi Kommunalborgstyrelsiq Nunaqarfimmilu Aqutsisut politikikkut suleqatigiinnissamut isumaqatigiissutaat malillugu aggustip naggataani 2024-mut missingersuutitut kissaatigisaminnik nassiussipput.

2023-mi ukiakkut missingersuutit pillugit isumaqatiginninniarnerni missingersuusiornissamut isumaqatigiissuteqartut akornanni isumaqatigiissutigineqarpoq, nunaqarfinni aqutsisunit kissaatigisaat 2024-p ingerlanerani Aningaasaqarnermut Inuussutissarsiornermullu Ataatsimiititamut suliarineqassasut kissaatigisaat pingaarnersiorneqarnissaat aningaasaliissutinillu agguassinissaq eqqarsaatigalugu.

Nunaqarfimmi Aqutsisut kissaatigisaat pingaarnersiukkat aammalu nunaqarfinni suliat maannakkut ingerlanneqartut ilanngussaq 1-mi allassimapput – ”Nunaqarfinnik ineriartortitsinissamut pilersaarut”. Nunaqarfinnik ineriartortitsinissamut pilersaarut Sanarfinermut Avatangiisinullu Ingerlatsivimmit suliarineqarpoq.

Aningaasaqarnermut Inuussutissarsiornermullu Ataatsimiititap pingaarnersiugai aningaasaliissutinillu agguassineri pilersaarummut ilanngunneqassapput.

Ingerlatsivimmit aningaasatigut sulisoqarnikkullu naliliinerit

Nunaqarfinnut ineriartortitsinissamik pilersaarummut/immikkoortumut pilersaarummut ukiumut 8 mio. kr.-nik immikkoortitsisoqarpoq, Sanaartugassanut lluarsagassanullu Aningaasaateqarfimmum inissinneqartunut. 2023 5,8 mio. kr.-nik atuinikiffiusimavoq, taamaattumillu 2024-mi aningaasaliissutini Nunaqarfinnut ineriartortitsinissamik pilersaarummut/immikkoortumut pilersaarummut aningaasaliissutit atugassat 13,8 mio. kr.-it uninngasuutigineqarput. 2025 – 2027-mut missingersuutini ukiunut missingersuusiortifusunut 8 mio. kr.-it siunertamut tassunga ukiut tamaasa immikkoortinneqarput.

Taakkua saniatigut ukiunut 2024 - 2027-mut ukiut tamaasa 3,0 mio. kr.-it sinerissap qanittuani aalisarnermut immikkoortumut pilersaarummut immikkoortinneqarput, taakkulu aamma nunaqarfimmi aqutsisut pingaarnersiunerannut ilanngunneqarsinnaapput.

Suliffeqarfimmum Kiffartuussivimmit aningaasatigut naliliineq

Nunaqarfinnut ineriartortitsinissamik pilersaarummut/immikkoortumut pilersaarummut aningaasaliissutinik Aningaasaqarnermut Inuussutissarsiornermullu Ataatsimiititap atuutilersitsinera.

Inatsisartut tunngavissaq allakkallu tunngaviumik uppersaatillit

- Kommuneqarfik Sermersooq 2021-2025-mi Kommunalbestyrelsen Nunaqarfimmilu Aqutsisut politikikkut suleqatigiinnissamik isumaqatigiissutaat
- Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq

Ilanngussat

1. Nunaqarfinnik ineriartortitsinissamut pilersaarut

Punkt 11: Nuummi ooqattaasarfik

Beslutning

Innuttaasunit siunnersuut Aalisarnej pillugu siunnersuisoqatigiinnut ingerlateqqinneqarpoq, taassuma qanoq suliarineqarnissaa pillugu ataatsimiititamut innersuussissaaq.

Nuummi ooqattaasarfik

Innuttaasumit siunnersuut

Aalajangiiffigisassaq

SagsID.: EMN-2023-01613

Suliffeqarfimmut Kiffartuussivik – Kommunaldirektøri Ole Jakobsen / OJAK

Inassuteqaat

Suliffeqarfimmi Kiffartuussivimmit Aningaasaqarnermut Inuussutissarsionermullu Ataatsimiititamat inassutigineqarpoq:

- innuttaasumit siunnersuut Aningaasaqarnermut Inuussutissarsionermullu Ataatsimiititami oqaluuserineqassasoq ingerlariaqqinnissallu qanoq pinissaa aalajangiiffigineqarluni

Suliassamik saqqummiussineq

Innuttaasut siunnersuutaatigut "Nuummi ooqattaasarfik" Nuummi ooqattaasarfimmik pilersitsinissaq siunnersuutigineqarpoq. Ooqattaasarfimmik pilersitsinermit sunngiffimmi inuussutissarsiuutigalugulu piniartut aallaasiminnik illoqarfiup qanittuani isumannaatsumik ooqattaasarfeqarnissaat siunertaavoq. Siunnersuummi 284-inik taasisoqarpoq.

Innuttaasup siunnersuutaa imaappoq: "Nuummi inuussutissarsiuutigalugu sunngiffimmilu piniartut amerliartornikuupput, taamaammat siunnersuuteqarpunga Kommuneqarfik Sermersooq ooqattaasarfiliussasoq, taamaalilluni Nuummi innuttaasunut isumannaannerulissalluni. Inassuteqaatigaara inuussutissarsiuutigalugu sunngiffimmilu piniartuunermut allagartaq takutillugu akiliilluni aallaammik ooqattaasartoqarsinnaassasoq."

Ingerlatsivimmit aningaasatigut sulisoqarnikkullu naliliinerit

Pisariaqanngilaq.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviummik uppersaattillit

- o Politiit inuiaqatigiinni tamat torersumiinnerannik isumannaarinerat pillugu aammalu inuit ataasiakkaat aamma inuiaqatigiinni tamat isumannaassusaannik il.il. illersuinerat pillugu, kiisalu politiit pineqaatissiissutaagallartunik atuutilersitsisinnerat pillugu Kalaallit Nunaannut nalunaarut (tamat torersumiinnerat pillugu nalunaarut), §12, imm. 5.

Ilanngussaq

Soqanngilaq.ss

Punkt 12: Ataatsimiititap kommunip avataanut angalanera, ukiaq 2024

Beslutning

Inassuteqaat itigartinneqarpoq aningaasallu oktobarimi kommunalbestyrelsip Tasiilami ataatsimiinnissaanut atorneqassapput.

Bilag

Ataatsimiititap angalanissaannut aaqqissuussaaneq (marsip ulluisa aqqaneq-aappaanni 2024-mi aalajangiussaq)

Ataatsimiititap angalanissaannut pilersaarut

Ataatsimiititap kommunip avataanut angalanera, ukiaq 2024

Aningaasaqarnermut Inuussutissarsiornermullu Ataatsimiititaq

Aalajangiiffigisassaq

SagsID.: EMN-2024-00966

Suliffeqarfimmut Kiffartuussivik – Kommunaldirektøri Ole Jakobsen / OJAK

Inassuteqaat

Suliffeqarfimmut Kiffartuussiviup Suliffeqarnermut Isumaginninnermullu Ataatsimiititamut inassuteqaatigineqarpoq:

- ataatsimiititap 2024-mi ukiaanerani kommunip avataanut angalanissaa akuersissutigineqassasoq
- ataatsimiititap angalanerani suna sammeneqassanersoq oqaluuserineqassasoq

Suliassamik saqqummiussineq

Kommuneqarfik Sermersuumi qinikkat illoqarfiit nunaqarfiillu pillugit paasisimasaqarnerunissaat ilisimasaqarnerunissaallu kiisalu kommunimi innuttaasunik oqaloqateqarnissaq ataatsimiititap angalanissaanni siunertaavoq. Ataatsimiititap kommunip avataani angalanerani aamma namminneq suliassaqarfimminnut tunngasunik paasisaqarnerunissaat isumassarsiortarnissaallu saniatigut periarfissaassaaq.

Marsip ulluisa aqqaneq-aappaanni kommunalbestyrelsip ataatsimiinnerani ataatsimiititap angalasarnerisa aqqissugaanerap qinigaaffiup naanissaanut akuersissutigineqarput (ilanngussaq 1). Taamatut aqqissugaanerap naapertorlugu Aningaasaqarnermut Inuussutissarsiornermullu Ataatsimiititaq 2024-mi ukiaanerani kommunip avataani angalasussaavoq.

Aqutsisut allatseqarfiata sapaatip akunnerani 40-mi angalasoqarnissaa siunnersuutigaa, oktobarimi Kommunalbestyrelsip ataatsimiinnissaa sioqqutilaarlugu. Taamaaliornikkut ilaasortat Nuup avataaneersut angalaneranni aningaasartuutitigut sipaartoqassalluni. Piffissamik toqqaanermi missingersuutit pillugit politikikkut isumaqatiginninniarnert naammassereersimanissaat eqqarsaatigineqarpoq, sapaatip akunnerani tassani ataatsimiititap ileqquusumik ataatsimiissanngillat, aammalu Kommuneqarfik Sermersuumi sapaatip akunnerani tassani ukiaanerani sulinnigiffeqartoqartoqartussaananani.

Ingerlatsivimmit aningaasatigut sulisoqarnikkullu naliliinerit

2024-mi ataatsimiititap angalanissaanut katillugit 950.000 koruuninik immikkoortitsisoqarpoq.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppernarsaatillit

- o Ataatsimiititap angalanissaannut pilersaarut

Ilanngussaq

1. Ataatsimiititap angalanissaannut aqqissuussaaneq (marsip ulluisa aqqaneq-aappaanni 2024-mi aalajangiussaq)
2. Ataatsimiititap angalanissaannut pilersaarut

Punkt 13: ESANI A/S-p 2023-mut ukiumoortumik nalunaarusiaata akuersissutigineqarnera

Beslutning

Inassuteqaat akuersissutigineqarpoq ima oqaasertalerlugu:

2024 - 2025-mi eqqakkanik aallertarnissamut pilersaarusiortoqarnissaa kissaatigineqarpoq.

Bilag

ESANI-p ukiumoortumik nalunaarusiai 2023-meersut

2023-mut kukkunersiuisut nalunaarutissaatut siunnersuut

Ileqqoreqqusat ESANI 2024

ESANI A/S-ip ileqquusumik ataatsimeersuartoqarnissaanut aggeqqusissut

ESANI A/S-p 2023-mut ukiumoortumik nalunaarusiaata akuersissutigineqarnera

Aalajangiiffigisassaq

SagsID.: EMN-2023-02399

Suliffeqarfimmut Kiffartuussivik – Kommunaldirektøri Ole Jakobsen / OJAK

Sanarfinermut Avatangiisinullu Ingerlatsivik – pisortaq Søren Pedersen / SSKP

Inassuteqaat

Suliffeqarfimmut Kiffartuussiviup aamma Sanarfinermut Avatangiisinullu Ingerlatsiviup

Aningaasaqarnermut Inuussutissarsiornermullu Ataatsimiititamut inassuteqaatigaa:

- ESANI-p 2023-mut ukiumoortumik nalunaarusiaa kingornalu ataatsimeersuarnissaa akuersissutigineqassasoq
- ingerlatseqatigiiffimmut saniatigut taaguutit nutaat nalunaarsorneqarsimasut akuersissutigineqassasut, Utertitsisa aamma Pant.gl
- ingerlatseqatigiiffiup ileqqoreqqusaani oqaaseqatigiinnik annikitsunik allannguisoqarnissaa akuersissutigineqassasoq, tassunga ilanngullugu ingerlatseqatigiiffimmut saniatigut taaguutit allanngortinnissaat, ataatsimeersuarnissamut aggersaanermi piffissaritinneqartumik erseqqissaat aammalu Avannaata Kommuniata peerneqarnissaa

Suliassamik saqqummiussineq

ESANI A/S ungasinngitsukkut ataatsimeersuassaaq ingerlatseqatigiiffiup 2023-mut ukiumoortumik nalunaarusiaa akuersissutiginiarlugu aammalu Puiaasanik utertitsisarnermik aqqjissuussinermi nutaami Nunalerinermut, Imminut Pilersornermut, Nukissiutinut Avatangiisinullu Naalackersuisoqarfimmit pigineqartumut ingerlatseqatigiiffiup saniatigut taaguutaasa suliassanut nutaanut naleqqussarniarlugit allanngortinneqarnissaat pitsanngorsarniarlugu.

Ingerlatseqatigiiffiup ESANI A/S, CVR-nr. 20222670 2023-mut ukiumoortumik nalunaarutissatut siunnersuut suliarisimavaa. Ukiumoortumik nalunaarut ataatsimeersuarnermi akuerineqartussaavoq. Ingerlatseqatigiiffik sisamanik piginnittoqarpoq, ingerlatseqatigiiffimmit tamarmik immikkut 25 procentimik piginneqataallutik, tassaasut: Piginnittut tassaapput: Kommune Kujalleq, Kommuneqarfik Sermersooq, Qeqqata Kommunia aamma Kommune Qeqertalik. Ingerlatseqatigiiffiup ukiumoortumik nalunaarusiaata ataatsimeersuarnermi akuerineqarnissaa aqutsisut innersuussutiginikuaat. Ukiumut nalunaarusiaq BDO Statsautoristet revisionsaktieselskab-imit kukkunersiorneqarnikuuvoq.

Ingerlatseqatigiiffik assigiinngitsuni ingerlataqarpoq, tassani pingaarnertut suliassaralugu Nuummi Sisimiunilu ikuallaavinnik marlunnik pilersitsinissaq ingerlatsinissarlu. Tamatuma saniatigut ingerlatseqatigiiffiup uuliakunut ikuallaanermut aqqiissuteqarnissamik qulakkeerinnissaaq. Qaqortumi Maniitsumilu uuliakunik ikuallaasarneq ingerlanneqartassasoq naatsorsuutigineqarpoq.

Saniatigut suliniutigineqartut

- Eqqakkanik assartuineq. ESANI "eqqakkanik angalaartitsinermik" naammassinninnikuuvoq, tamatumani kommunini piginnittuusuni illoqarfiit tamarmik nunaqarfiillu arlallit eqqakkanik poortukkanik tunniussaqaarnissaminnik periarfissaqarnikuullutik. ESANI kommunillu tigooraaffiusut akornanni suleqatigiinnermut "eqqakkanik angalaartitsineq" ilinniarfiunikuuvoq pitsaasoq. 2024-mi eqqakkanik ikuallaavinnut apuussassanik katersineq ingerlatsinermut nuutinneqassaaq Nuummi ikuallaaviup ammarneqarneranut atatillugu.
- Puiaasat puukuinik utertitsissutinik ineriartortitseqqinneq ingerlatsinermi. Nunalerinermut, Imminut Pilersornermut, Nukissiutinut Avatangiisinullu Naalackersuisoqarfimmit sulineq tapersorsorneqarpoq. Januaari 2024-miit Kalaallit Nunaanni puiaasanik utertitsissutinik ingerlatsineq ingerlatseqatigiiffiup aqutarilerpaa

- Kommuneqarfik Sermersuumi tigooraaviup ikuallaaviullu ingerlanneqarnera Kommunimik ingerlatsinermut isumaqatigiissusiortoqarnikuvoq

Suliniutinut aningaasanullu tunngasunik ineriartortitsineq

Ukiumut naatsorsuuseriffiusumi ingerlatseqatigiiffik 4.059.080 koruuninik amigartooruteqarfiuvoq, aammalu ukiup naalernerani ingerlatseqatigiiffii oqimaaqatigiissillugit angusarivai 392.534.741 koruunit, namminerlu aningaasaatigisanik 43.128.615. koruuninik takussutissaqarfiuvoq.

Siunissami naatsorsuutigisat

Ukiuni aggersuni ingerlatseqatigiiffiup suliaani pitsaasumik ineriartortoqassasoq naatsorsuutigineqarpoq. ESANI ikuallaavissaa siulleq Nuummi (2024-mi juunimi naatsorsuutigineqartoq) ingerlalerpat, ingerlatseqatigiiffiup piginnittuininngaanniit tamakkiisumik atuisunit akiliisoqartalissaaq. Sisimiuni ikuallaavissap 2025-mi upernaakkut ingerlatsinermut nuutinneqarnissaa naatsorsuutigineqarpoq. Puiaasanik utertitsissutinik ingerlatsineq aamma ingerlatseqatigiiffiup 2024-mi siunissamilu ingerlanneqarnissaanut pitsaasumik kinguneqarnissaa naatsorsuutigineqarpoq.

Ilisimasani pigisallit

Ingerlatseqatigiiffiup sulisui Kalaallit Nunaanni nunanilu EU-mi ilaasortanit allani eqqagassalerinermut tunngasunik annertuunik ilisimasaqarput. Taamatut ilisimasaqarneq Kommuninit assut iluatigineqartarput.

Ingerlatsivimmit aningaasatigut sulisoqarnikkullu naliliinerit

Pisariaqanngilaq.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaatillit

- Aktie aamma anpartsselskabit pillugit inatsisip Kalaallit Nunaanni atulersinnera pillugu peqqussut (ingerlatseqatigiiffinnut inatsit)
- Ukiumoortumik naatsorsuutit pillugit inatsisip Kalaallit Nunaannut atuutsinneqalernissaanut peqqussut pillugu nalunaarut
- Kommunit aqunneqarnerat pillugu Inatsisartut inatsisaat (Aqutsineq pillugu inatsit)
- Kommunip Aqutsinermi Ileqqoreqqusai

Ilanngussat

1. ESANI-p ukiumoortumik nalunaarusiai 2023-meersut
2. 2023-mut kukkunersuisut nalunaarutissaatut siunnersuut
3. ILEQQOREQQUSAT ESANI 2024
4. ESANI A/S-ip ileqquusumik ataatsimeersuartoqarnissaanut aggeqqusissut

Punkt 14: Iluarsiissuteqarneq, kommunimut pilersaarummut tapiliussassaq 3C9-1 Inuussutissarsiateqarfik mittarfiup qanittuaniittoq, Nuuk

Beslutning

Inassuteqaat akuersissutigineqarpoq.

Bilag

Kommunimut pilersaarummut tapiliussassaq iluarsisaq 3C9-1, inuussutissarsiateqarfik mittarfiup qanittuaniittoq

Iluarsiissuteqarneq, kommunimut pilersaarummut tapiliussassaq 3C9-1 Inuussutissarsiteqarfik mittarfiup qanittuaniittoq, Nuuk

Aalajangiiffigisassaq

SagsID.: EMN-2023-02420

Sanarfinermut Avatangiisinullu Ingerlatsivik – pisortaq Søren Pedersen / SSKP

Inassuteqaat

Illoqarfimmik Ineriartortitsinermut Sanaartormullu Ataatsimiititap Aningaasaqarnermut Inuussutissarsiornermullu Ataatsimiititamut inassuteqaatigaa:

- kommunimut pilersaarummut tapiliussassaq Inuussutissarsiteqarfik mittarfiup qanittuaniittoq 3C9-1 pillugu iluarsiissuteqarneq akuersissutigineqassasoq
- suliaq Kommunalbestyrelsimut akuersissutigisassanngorlugu ingerlateqqinneqassasoq

Suliassamik saqqummiussineq

Sanarfinermut Avatangiisinullu Ingerlatsivimmut paasisitsiissutigineqarsimavoq, kommunimut pilersaarummut tapiliussami 3C9-1-mi akuerineqareersumi allaffissornikkut kukkusoqarsimanera pillugu, Inuussutissarsiteqarfik mittarfiup qanittuaniittoq.

Sanaartorfissani portussutsit portunerpaaffigisassaanni A-L ilanngussami 2A aamma 2B-mi kukkusaasoq tassaavoq nalingata aalajangersariikkatut allassimanera. Mittarfiup qanittuani sanaartukkat eqqaanni immikkut ittumik killeqarfeqartitanut atatillugu killiffissatut pilersaarummi uingasoq eqqartorneqarmat, sanaartorfissat akimorlugit portussutsit portunerpaaffigisassaata ataatsitut portoqatigiissutut naleqanngillat, imaallunili sanaartorfisassaq akimorlugu assigiinngiaartuulluni.

Iluarsiissuteqarnermi ilanngussamik nutaamik 2C-mik sularinninneq pineqarpoq, killiffissatut pilersaarummi uingasup qanoq isikkoqarnissaa ilanngullugu, kiisalu sanaartorfissap iluani portussutsit portunerpaaffigisinnasaannik sanaartorneqarsinnaasunut eqqortumik pingaartit pineqarlutik. Siornatigut portussutsinik portunerpaaffigisassanut innersuussissutaasut ilanngussami 2A aamma 2Bmi allassimasut aammattaaq ilanngussamik 2C-mik taarserneqarput. Iluarsiissuteqarneq aammattaaq kommunimut pilersaarummut tapiliussami allattukkanik iluarsiissutinik imaqarpoq, eqqortumik ilanngussamut 2C-mut innersuussineq qulakkeerniarlugu.

Kukkuluttornerup kingunerisaanik annertunngitsumik iluarsiissuteqarnerummat pilersaarutillu tunngaviatigut imarisaanut akarliunngitsutut nalilerneqarmat, pilersaarut nutaamik tusarniaassutigineqassanngilaq.

Ingerlatsivimmit aningaasatigut sulisoqarnikkullu naliliinerit

Ingerlatsivimmi Kommunimut pilersaarummut tapiliussamik suliaqarnissami ukioq naallugu suliffiit 1/3-it pisariaqartinneqassasut nalilerneqarpoq.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaatillit

- Pilersaarusiorneq aamma nunaminertat atorineqartarnerat pillugit Inatsisartut inatsisissaannik nalunaarut nr. 4, 25. januar 2024-meersoq
- Kommunimut pilersaarut digitaliusoq www.kp.sermersooq.gl



Siusinnerusukkut aalajangiinerit

Illoqarfimmik Ineriartortitsinermut Sanaartormullu Ataatsimiititaq, 21.05.24:
Inassuteqaat akuersissutigineqarpoq.

Ilannugsaq

1. Kommunitumut pilersaarummut tapiliussassaq iluarsisaq 3C9-1, inuussutissarsiuteqarfik mittarfiup qanittuaniittoq

Punkt 15: 2025-mut Missingersuusiornermut malittarisassat

Beslutning

Inassuteqaat akuersissutigineqarpoq.

Bilag

2025-mut Missingersuusiornermut malittarisassat

2025-mut missingersuusiornermut periusissiatut piffissaliussaq

2025-mut Missingersuusiornermut malittarisassat

Aalajangiiffigisassaq

SagsID.: EMN-2023-02473

Suliffeqarfimmut Kiffartuussivik – kommunaldirektøri Ole Jakobsen / OJAK

Inassuteqaat

Suliffeqarfimmut Kiffartuussivimmit Aningaasaqarnermut Inuussutissarsiornermullu

Ataatsimiititamut inassutigineqarpoq:

- 2025-mut missingersuusiornissamut missingersuusiornermut malittarisassat akuersissutigineqassasut
- suliaq Kommunalbestyrelsimut akuersissutigisassanngorlugu ingerlateqqinneqassasq.

Suliassamik saqqummiussineq

Kommunip Ingerlatsinermit Aningaasaqarnermullu Aqutsinermit Najoqqutassiaa naapertorlugu, Aningaasaqarnermut Inuussutissarsiornermullu Ataatsimiititaq missingersuusiornissamut malittarisassanik saqqummiussiffigineqassasq, ukiumi tulluuttumi missingersuutit suliarineranni aningaasaliissutigineqartussanik aalajangersaaffiusumik.

2025-mut missingersuutit suliarineqarnissaannut missingersuusiornissamut malittarisassat matumuuna Aningaasaqarnermut Inuussutissarsiornermullu Ataatsimiititamut akuersissutigineqarnissaannut saqqummiunneqarput.

Aammattaaq missingersuusiortarneq pillugu malittarisassani missingersuusiortuarnissaq qulakkeerniarlugu politikikkut piffissaliussamik siunnersuummik saqqummiussisoqarpoq. Taamaattumik piffissami juunimiit novembarimut missingersuutit peqqissaarullugit politikerinit suliarineqarnissaat piffissaqarfigilluarnissaa pingaartinneqarpoq.

Ingerlatsivimmit aningaasatigut sulisoqarnikkullu naliliinerit

2025-mut missingersuusiornermut atatillugu suliassat pingaarnertut kommunip nammineq sulisuinit suliarineqassapput.

Suliffeqarfimmut Kiffartuussivimmit aningaasatigut naliliineq

Suliffeqarfimmut Kiffartuussiviup missingersuusiornissamut maleruaqqusat tamakkiisutut isigai.

Taamaattumillu inngersuussutigalugu maleruaqqusat akuersissutigineqassasut, akuersissutigisassanngorlugillu Kommunalbestyrelsimut ingerlateqqinneqassasut.

Inatsisitigut tunngavissaq allakkallu tunngaviusumik uppersaattillit

- o Kommunit Namminersorlutillu Oqartussat missingersuutaat naatsorsuutaallu pillugit Inatsisartut Inatsisaat nr. 26, 28. november 2016-imeersoq
- o Kommunit missingersuusiortarnerat, aningaasanik tigorianaateqarnerat, naatsorsuutaat, kukkunersuisoqarnerat kiisalu karseqarnerat naatsorsuuseriveqarnerallu pillugit Namminersorlutik Oqartussat nalunaarutaat nr. 3, 3. februar 2012-imeersoq
- o Kommunit Namminersorlutillu Oqartussat missingersuutaat naatsorsuutaallu pillugit Inatsisartut inatsisaata allanngortinneqarnissaa pillugu Inatsisartut inatsisaat nr. 13, 1. december 2021-meersoq (Missingersuutit inissisimanerannik naatsorsueriaatsimik allanngineq, nammineq aningaasaatinik naleqqusaanissamut ataasiaannartumik akuersissut aamma pisortat ataatsimoorlutik qarasaasiaat pillugit malittarisassanik erseqqissaaneq)

- Kommuneqarfik Sermersuumi Kommunalbestyrelsimi Aqutsinermi Ileqqoreqqusaq
- Kommuneqarfik Sermersuumut piginnaatitsinermik agguataarinissamut pilersaarut
- Ingerlatsinermut Aningaasaqarnermillu Aqutsinermut Najoqqutassiaq Aningaasaqarnermillu aqutsineq

Ilanngussat

1. 2025-mut Missingersuusiornermut malittarisassat
2. 2025-mut missingersuusiornermut periusissiatut piffissaliussaq

Punkt 16: Nuummi najugaqatigiiffinnik sisamanik pilersitsinissaq pillugu aalajangiineq

Beslutning

Inassuteqaat akuersissutigineqarpoq.



Nuummi najugaqatigiiffinnik sisamanik pilersitsinissaq pillugu aalajangiineq

Innuttaasunut piginnaasakillisimasunut

Aalajangiiffigisassaq

SagsID.: EMN-2024-01338

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

Inassuteqaat

Suliffeqarnermut Isumaginninnermullu Ataatsimiititap Aningaasaqarnermut

Inuussutissarsiornermullu Ataatsimiititamat inassuteqaatigaa:

- Suliffeqarnermut Isumaginninnermullu ingerlatsiviup najugaqatigiiffinnik nutaanik sisamanik, inuttaasunut katillugit 12-inut inissalinnik, pilersitsinissaa akuerineqassasoq.
- Ukiup tulluuttup iluani inissianik 4/5-inik initalinnik sisamanik peqartitsinissaq siunertaralugu Iserit A/S ingerlativimmiit oqaloqatigineqarnissaa akuersissutigineqassasoq.
- suliaq Kommunalbestyrelsimut akuersissutigisassanngorlugu ingerlateqqinneqassasoq

Suliassamik saqqummiussineq

Ukiuq kingulleq septembarimi inuit inersimasut innarluutilit pillugit suliassaqrarfiup

aaqqissugaanera allanngortinneqarpoq aamma sullissinnermut tunngasut, suleqatigiit

ataqatigiissaarisut kiisalu inunnut sammisunik nakkutilliinnermut tunngasut oqartussaaffeqarnermut

immikkoortoqarfimmiit inunnut innarluutilinnut aamma tarnimikkut nappaatilinnut

immikkoortoqarfimmut nuunneqarpoq.

Ingerlatsivik ukiut tamaasa inunnut tunngasunik nakkutilliisussaavoq, tassani innuttaasut marluk

ilaatigut iliuusissatut pilersaarutaat malinneqarnersoq naliliisumik, aamma najugaqatigiiffimmit

periuserineqartut innuttaasumut naleqquttuunersut pillugu.

Inunnut tunngasunik nakkutilliinissanut misissueqqissaarinissat piareersarneqarneri

tungavigalugit, inunnut tungasunik nakkutilliinnermi innuttaasut ilaasa atugarissaarnerat,

inuunerminni atugaasa pitsaassusaat aamma annikitsumik neqerooruteqarnikkut

annertunerusumik imminnut ikiorsinnaanerat paasineqarsinnaasoq ingerlatsiviup nalilerpaa.

Taamaattumik ingerlatsiviup naatsorsuutigaa inunnut tunngasunik nakkutilliinerup kingunerissagaa

najugaqatigiiffimmiit (boenhed) najugaqatigiiffimmut (bokollektiv) aamma Isumaginninnermi

Aqutsisoqarfiup neqeroorutaaniit kommunip najugaqatigiiffiinut innersuusseqqittoqartarnissaa.

Inassutigineqartoq akuerineqassappat, inissianik naleqquttunik Iserit A/S aamma Ini A/S

suleqatigalugit pissarsiniartarnissaaq siunissami suleriaaserineqartalissaaq. Tassani ingerlatsivik

inunnut tunngasunik nakkutilliinnermik ingerlatsisassaaq, siullermik najugaqatigiiffimmiit (boenhed)

najugaqatigiiffimmut (bokollektiv) innersuusisarnikkut, kingornalu innuttaasut ulloq unnuarlu

neqeroorummiit najugaqatigiiffimmut (boenhed) innersuunneqartassapput. Innersuusseqqittarnerit

soorunami suliatigut tunngavissaqarluartumik pisassapput aamma inatsisitigut

isumannaatsuutitsinnermi qularnaarutit, inunnut innarluutilinnut sukkulluunniit atuutsinneqartut,

malillugit isumagineqartussaapput.

Piffissami matumani suliap ataatsimut qanoq sivistiginissaa oqaatigiuminaappoq, tassani Iserit

A/S aamma innuttaasut pisariaqartitsinerat inissisimanerallu apeqqutaammata. Najugaqatigiiffiit

(bokollektiver) taakkua sisamat ukiup ataatsip ingerlanerani pilersinneqarsinnaasut

naatsorsuutigineqarpoq.



Ingerlatsiviup naliliinerivaa, innuttaasunik nalileeqqittarneq neqerooruteqartarnerlu akuttoqatigiissumik pisarnissaa, aamma inunntut tunngasunik nakkutilliinerit iluaqutaassasut innuttaasunut ataasiakkaanut neqeroorutunik nalilersuinermut, kisianni aamma kommunip ataatsimut neqeroorutaasa naliliiffiginissaannut.

Ingerlatsivimmit aningaasatigut sulisoqarnikkullu naliliinerit

Najugaqatigiiffiit (bokollektiver) taakkua sisamat aningaasaliiffiqarnissaat pissaaq innuttaasunik Isumaginninnermi Nakkutilliisoqarfiup neqeroorutaaniittunik angerlartitsinikkut kiisalu ungasinnerusoq isigalugu innuttaasunik Danmarkimi ulloq unnuarlu neqeroorutiniittunik tigusinikkut.

Suliffeqarfimmut Kiffartuussivimmit aningaasatigut naliliineq

Aaqqissuussamik pilersaarusiornermut Misissueqqissaarinnermullu Immikkoortortamit nalilerneqarpoq, aningaasaliissuteqaqqittoqarnissaa pisariaqassanngitsoq, aningaasat atugassaritineqartut iluaneeermata.

Inatsisitigut tunngavissaq allakkallu tunngaviusumik uppernarsaatillit

- Inuit innarluutillit tapersorsorneqarnissaannut Inatsisartut inatsisaannit Namminersorlutik Oqartussat nalunaarutaat 1. juuni 2022-meersoq

Siusinnerusukkut aalajangiinerit

Suliffeqarnermut Isumaginninnermullu Ataatsimiititap, 28.05.24:

Inassuteqaat akuersissutigineqarpoq.

Ilanngussaq

Soqanngilaq.

Punkt 17: 2024-miit 2028-mut Utoqqaat pillugit immikkoortumut pilersaarutip akuersissutigineqarnera pillugu aalajangiineq

Beslutning

Inassuteqaat akuersissutigineqarpoq.

Bilag

2024-mit 2028-mut utoqqaat pillugit immikkoortumut pilersaarut

Utoqqaat pillugit immikkoortumut pilersaarummut ilanngussat

Utoqqaat pillugit immikkoortumut pilersaarutitut siunnersuutip tamanut tusarniaassutigineqarneranik malinnaatitsineq

Inuit innarluutillit pillugit Siunnersuisooqatigiinni siulittaasumit tusarniaanermut akissuteqaat

Tilioq-mit tusarniaanermut akissuteqaat

Utoqqaat oqaaseqartartoqarfianiit tusarniaanermut akissuteqaat

Peqqissutsimut Naalakkersuisoqarfimmiit tusarniaanermut akissuteqaat

ISNNN-imiit tusarniaanermut akissuteqaat

Utoqqaat pillugit Siunnersuisooqatigiinniit tusarniaanermut akissuteqaat

2024-miit 2028-mut Utoqqaat pillugit immikkoortumut pilersaarutip akuersissutigineqarnera pillugu aalajangiineq

Aalajangiiffigisassaq

SagsID.: EMN-2023-03916

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

Inassuteqaat

Suliffeqarnermut Isumaginninnermullu Ataatsimiititap Aningaasaqarnermut

Inuussutissarsiornermullu Ataatsimiititamut inassuteqaatigaa:

- Kommuneqarfik Sermersuumi utoqqaat pillugit immikkoortumut pilersaarut 2024 - 2028 akuersissutigineqassasoq
- suliaq Kommunalbestyrelsimut akuerisassanngorlugu ingerlateqqinneqassasoq

Suliassamik saqqummiussineq

Kommuneqarfik Sermersuumi 2024-miit 2028-mut utoqqaat pillugit immikkoortumut pilersaarummut siunnersuut Suliffeqarnermut Isumaginninnermullu Ingerlatsivimmiit suliarineqarpoq (ilangussaq 1 aamma 2). Utoqqaat pillugit immikkoortumut pilersaarut 2017-imi periusissiatut atorsimasoq aallaavigalugu suliaavoq, kisianni naleqqussagaalluni taamaalilluni utoqqarnut suliassaqarfimmi ullumikkut ajornartorsiutaasut pingaartinneqarlutik. Utoqqarnut immikkoortumut pilersaarut suliniutinik arfineq-pingasunik, Kommuneqarfik Sermersuumi utoqqarnut politikimi anguniakkanik eqquutsitsiniarfiusunik imaqarpoq.

2024-miit 2028-mut utoqqaat pillugit immikkoortumut pilersaarut tusarniaasoqareernerani tusarniaanermilu akissutit suliarineqareerneranni suli suliniutinik arfineq-pingasunik imaqarpoq:

1. Digitaliusunik atugaqarluni angerlarsimaffimmi sungiusarneq
2. Peqqinnissaqarfimmik suleqateqarneq
3. Sulisunik piginnaanngorsaaqqinneq
4. Utoqqaat illuanni qanigisaasunut aaqquissuussinerit
5. Utoqqaat illuanni nammineq kajumissutsiminnik pulaartartoqarneq
6. Utoqqaat illuini kalerrisaarutit kiisalu matut kalerrisaarutitalit inunntu puiguttortunut naatsorsuussat
7. Utoqqaat illuini aamma utoqqaat najugaqatigiiffiinik nutaanik sanaartorneq aamma iluarsartuussineq
8. Utoqqaat pillugit siunnersuisooqatigiit suleqatigalugit utoqqaat misissuiffigineqarnerat

Utoqqarnut immikkoortumut pilersaarut nutaaq atuutilerpat, ukiuni aggersuni ilaatigut peqqinnissaqarfimmi suleqatitta suli pitsaanerusumik suleqatigilernissaat ukkatarineqassaaq. Innuttaasut utoqqaat ulloq unnuarlu paaqqutarineqartut innuttaasullu namminneq angerlarsimaffimmiittut immikkut ikorfartorneqarnissamik pisariaqartitsinerat piviusunngortinniarlugu Suliffeqarnermut Isumaginninnermullu Ingerlatsivimmiit anguniarneqarpoq. Nuummi, Tasiilami aamma Ittoqqortoormiini sanaartornissaq pillugu pilersaaruteqarnikkut ulloq unnuarlu paaqqutarinniffiit annertusarneqarnissaat utoqqaat pillugit immikkoortumut pilersaarummi pingaartinneqarpoq. Taakkua saniatigut paaqqutarinninnermik sulialittavut sungiusassavagut ilinniartillugillu isumassuinermik qaffasissumik pitsaassusilimmik tunniussisinnaanngortillugit, sulisinnaasutut nukissat ikinnerugaluartulluunniit. Ilanngullugu isumaginninnermi teknologiinik iluaqusersuutit naapertuukkaangata atulersittassavagut.

Tusarniaanerup ingerlanneqarnera

Suliffeqarnermut Isumaginninnermullu Ataatsimiititami 2024-mi februaarip ulluisa arfernanni ataatsimiinnermi aalajangiunneqarpoq kommunimi utoqqaat pillugit immikkoortumut pilersaarutissatut siunnersuut tamanut tusarniaassutigineqassasoq. Utoqqaat pillugit immikkoortumut pilersaarut 2024-mi februaarip ulluisa arfineq-pingajuanni tamanut tusarniaassutigineqarpoq. Peqataanik kommunip ingerlatsivii tusarniaavigineqarput. Suliffeqarnermut Isumaginninnermullu Ingerlatsivik tusarniaassummut akissutinik katillugit arfineq-pingasunik tigusaqarpoq (ilanngussaq 4 -9). Tamatuma kingorna tusarniaanermi akissutit tiguneqartut ingerlatsivimmiit suliarineqarlutillu sulianut ilanngussuunneqarput. Suliffiup iluani tusarniaanermi akissuteqaatit ilanngunneqanngillat kisianni ilanngussaq 3-mi tamanut tusarniaanermi malitseqartitsineri ilanngunneqarput.

Tusarniaanerup ingerlanneqarnerani innuttaasut utoqqaat timikkut tarnikkullu piginnaasakillimasut immikkoortumut pilersaarummi suliniuteqarfingineqartunut ilanngutissallugit ukkatarineqarputtaaq. Kommunimi neqeroorutit pioreersut erseqqissaatiginiarlugit allaaserineqassasut pingaartinneqarpoq, suliniutit nutaat neqeroorutinut innuttaasunut atuutsinneqareersunut qanoq naapertuutsiginersut. Tamatuma saniatigut suliniutini arlalinni sulisunik atuisarneq atuutsitsilernissamullu periusissiaq erseqqissarniarlugit iliuuseqartoqarpoq.

Ingerlariaqqinnissaq

Utoqqaat pillugit immikkoortumut pilersaarut akuersissutigineqassappat suliniutissatut allaaserineqartut atuutilersinneqarnissaat pillugit ingerlatsivimmiit isumagineqassapput. Utoqqarnik sullissisut aallarniuteqarfiusumik kick-offimik taallugu workshoppertitsissapput, tassanilu suliniutit atuutilersinneqarnissaannut pingaarnersiukkat siunnerfiusorlu aalajangersarneqassapput.

Ingerlatsivimmit aningaasatigut sulisoqarnikkullu naliliinerit

Suliamik saqqummiussineri matumani taamaallaat pineqarpoq utoqqaat pillugit immikkoortumut pilersaarummut nutaamut sinaakkutissatut allaaserisap akuersissutigineqarnissaa. Sinaakkutissatut allaaserisap akuersissutigineqassappat, kingusinnerusukkat missingersuutit suliarineqarnerinut atatillugu sanaartugassatut pilersaarutinut periarfissatut allattorsimaffiliortoqassaaq. Suliniutit arfineq-pingasuuusut tamarmik immikkut aningaasaqarnikkut sulisoqarnikkullu qanoq kinguneqarfiusanersut ilanngussaq 2-mi takuneqarsinnaapput.

Suliffeqarfimmut Kiffartuussivimmit aningaasatigut naliliineq

Suliffeqarfimmut Kiffartuussivik allanik oqaaseqaatissaqanngilaq.

Inatsisitigut tunngavissaq allakkallu tunngaviusumik uppernarsaatillit

- Utoqqaat pillugit politikki 2016-2026

Siusinnerusukkat aalajangiinerit

Suliffeqarnermut Isumaginninnermullu Ataatsimiititap, 28.05.24:

Inassuteqaat akuersissutigineqarpoq.

Ilanngussaq

1. 2024-mit 2028-mut utoqqaat pillugit immikkoortumut pilersaarut
2. Utoqqaat pillugit immikkoortumut pilersaarummut ilanngussat
3. Utoqqaat pillugit immikkoortumut pilersaarutit siunnersuutip tamanut tusarniaassutigineqarneranik malinnaatitsineq
4. Inuit innarlutillit pillugit Siunnersuisooqatigiinni siulittaasumit tusarniaanermut akissuteqaat
5. Tilioq-mit tusarniaanermut akissuteqaat
6. Utoqqaat oqaaseqartartoqarfianiit tusarniaanermut akissuteqaat
7. Peqqissutsimut Naalakkersuisoqarfimmiit tusarniaanermut akissuteqaat
8. ISNN-imiit tusarniaanermut akissuteqaat
9. Utoqqaat pillugit Siunnersuisooqatigiinniit tusarniaanermut akissuteqaat



Punkt 18: Nuummi Aalborgimut ulloqartitsinermut malinnaaffiginnineq

Beslutning

Suliaq eqqartorneqarpoq. Borgmesteri suliamik ingerlatitsinissaanik pisinnaatinneqarpoq, suleqatigiinnissamik isumaqatigiissut kommunalbestyrelsimi suliarineqannginnerani.

Bilag

Pilersaarut

Illoqarfittut ikinngutigiinnissamik isumaqatigiissut

Nuummi Aalborgimut ulloqartitsinermut malinnaaffiginnineq

Oqaluuserisassaq

SagsID.: EMN-2024-00634

Suliffeqarfimmut Kiffartuussivik – Kommunaldirektøri Ole Jakobsen / OJAK

Inassuteqaat

Suliffeqarfimmi Kiffartuussivimmit Aningaasaqarnermut Inuussutissarsionermullu Ataatsimiititamut inassutigineqarpoq:

- Nuummi Aalborgimut ulloqartitsinerup kiisalu Aalborg Kommunimik suleqateqarnissamut isumaqatigiissummut nutaamut aamma siunissami suleqatigiinnissamut kissaatit malinnaaffigineqarnera eqqartorneqassasoq

Suliassamik saqqummiussineq

Kommuneqarfik Sermersuup Aalborg Kommune komunitut ikinngutigaa.

2002-mi ikinngutigiiinnermik isumaqatigiissusiortoqarpoq, innuttaasut, kattuffiit suliffeqarfiillu akornanni attaveqatigiinnerannik nukittorsaasussanngorlugit kiisalu kommunini marlunni siuariartornermut ineriartortitsinernullu toqqammaviliisoqarluni. Isumaqatigiissut inuussutissarsiutit, atugarissaarnerup peqqissutsillu aamma meeqqat ilinniagaqarnerlu, illoqarfinnik attaveqarnermillu ineriartortitsinerup, nukiup, kulturip sunngiffiullu il.il. iluanni suleqatigiinnissamut pisussaaffiliivoq. 2008-mili kommunit taakku marluk aammattaaq ukiut marlukkaarlugit paarlakaajaallutik imminnut tikeraartarput tikeraartitsisuusarlutillu aamma Aalborg Nuullu akornanni inuussutissarsiutit, politikki kulturilu aamma suleqatigiinneq pillugit tikeraarnerminni ukkataralugit aaqqissuussinernut aaqqissuisuusarlutik.

Nuummi 2024-mi apriliimi 23-aniit 26-annut Aalborgimut ulloqartitsineq

Ukiq manna Nuummi Aalborgimut ulloqartitsinermi pingaarnertut sammineqartut ilaatigut tassaapput Kommuneqarfik Sermersuup, inuussutissarsionerup, suliffeqarfiit innuttaasullu ineriartorneq pillugu qanoq isiginnippat aamma siunissamut takorluugaat suuppat? Aalborgip Nuullu suleqatigiinnerannut qanoq isumaqarpa – aamma 2024-miit siunissamut suleqatigiinneq qanoq isikkoqassava?

2024-mi Nuummi Aalborgimut ulloqartitsinermut pilersaarut ilanngussatut kakkiunneqarpoq.

Politikkerinik workshoppertitsineq aamma nutaamik suleqatigiinnissamik isumaqatigiissusiortnermut siunnersuutit

Ulloq 25. aprili "2024-miit siunissamilu suleqatigiinneq" pillugu politikkerinik workshoppertitsisoqarpoq, Aningaasaqarnermut Inuussutissarsionermullu Ataatsimiititaq aamma Aningaasaqarnermut Ataatsimiititaliaq (Økonomiudvalg) kiisalu kommunini taakkunani marlunni pisortat peqataallutik. Tunngaviusoq tassaavoq, kommunit marluk maanna illoqarfittut ikinngutigiiinnermi suleqatigiinnissamut isumaqatigiissutaata (kakkiussa) 2024-mi aggustimi nutarterneqarnissaa.

Suleqatigiinnissamik isumaqatigiissut pioreersoq tunngavigalugu, workshoppertitsinermi assersuutigalugu eqqartorneqarput:

- Maannakkut sammineqartut tamatsinnit soqutigineqartut, immaqqa suleqatigiinnissamik isumaqatigiissummi nutaami ilaatinneqarsinnaasut?
- Siunissami suleqatigiinneq qanoq issava – suleqatigiinnissamik isumaqatigiissutit nutarternissaanut ilanngukkusutat?

Workshoppertitsinermi ilaatigut suleqatigiinnissamik isumaqatigiissutip nutaap suliarineqarnissaanut uku isumassarsiarineqarput isummersuutaallutillu:

Pingaarnertut:

- Kommunit taakku marluk imminnut suli qanimut attaveqarput, uagut matumani tapersersugassaraagut pitsaanerulersillugillu
- Suleqatigiinneq naligiissuvoq, ataqpeqatigiissumik tunngavilik
- Isumassarsitisseerusuppugut, tapersersuilluta immitsinnullu pisuunerulersilluta
- Peqatigiinnissamat siunertaavoq, kommunini marlunni innuttaasunut allannguinnissaq.
- Innuttaasut malugisinnaassallugulu misigisinnaassaavaat, peqatigiinnissamik isumaqatigiissutip Kommuneqarfik Sermersooq Aalborg Kommunilu inuuffigissallugit najugaqarfigissallugillu pitsaanerulersinneqartut.
- Ikinnerusinnaapput, taamaattorli suleqatigiiffiit pingaartinneqarlutik. Taamaallutik iliuuseqarnerunissamat qulakkeerneqassaaq.

Piffissami aggersumi suleqatigiissutigineqarsinnaasunut isumassarsiat:

- Innuttaasut kulturikkut misigisaqarnissaat aamma kulturikkut paasinneqatigiinnermik nukittorsaaneq
- Sunngiffik, nammineq kajumissutsiminnik suliaqartartut peqatigiiffillu - pitsaasumik nammineq kajumissutsinnik suliaqartartut aamma timersornermi inuuneqarneq pitsaasoq
- Ilinniagaqarneq ilinniagaqartullu – Ilisimatusarfiit suleqatigiinneri, inuussutissarsiutinut ilinniarfiit aamma assessorluni sulineq, ilinniartunik pilerinarsaaneq paarlaaqatigiinnerlu, ilinniartunut inissiat
- Atuarumajunnaarneq - immitsinniit ilinniarfigisinnaavugut?
- Sulisussat nunanilu allaneersunik sulisoqarneq – immitsinnut isummersorsinnaavugut?
- Angerlarsimaffiup avataanut inissiinermik suliassaqarfik
- Piginnaangorsaaqqiineq aamma isumaginninnermi teknologi – teknologi nutaaq qanoq ililluni iluaqutaasinnaava assersuutigalugu innuttaasunut ukioqqortusiartortunut tunngatillugu
- Illoqarfiup ineriartornera – siunissami qanoq najugaqarsinnaavugut aamma illoqarfigut qanoq ineriartortissinnaavugut? Inissat killeqarneri, illuliortaaseqarnikkut pilersaarusiortoqarnikkut
- Sulisunik paarlaasseqatigiittarneq ingerlatiinnarlugu
- Illoqarfimmi innuttaasut
- Angerlarsimaffeqanngitsuunermut tunngasut

Sulinerup ingerlariaqqinnera

Nuummi Aalborgimut ulloqartitsineq malinnaaffigineqassaaq, tassunga ilanngullugit politikkerinik workshoppertitsinermit inerneru aamma kommunini marlunni siunissami suleqatigiittoqarnissaanut kissaataasut pillugit eqqartuineq.

Kommunini marlunni eqqartuinerit tunngavigalugit juunimi suleqatigiinnissamat isumaqatigiissummut nutaamat siunnersuut suliarineqassaaq, kommunini marlunni isumaqatigiissutaasussaq aggustip ingerlanerani suliarineqarnissaa inaarutaasumillu akuerisassanngornissaa siunertarlugu.

Suleqatigiinnissamik isumaqatigiissut inaarutaasumik akuerineqarpat pisariaqartinneqartut suullu suliniutaassanersut, isumaqatigiissummiit iliuusissanngortinneqarnissaanut tapersiinnaasut pillugit isummerfigineqassapput.

Ingerlatsivimmit aningaasatigut sulisoqarnikkullu naliliinerit
Pisariaqanngilaq.

Suliffeqarfimmut Kiffartuussivimmit aningaasatigut naliliineq
Pisariaqanngilaq.

Ilanngussaq

1. Pilersaarut
2. Illoqarfittut ikinngutiginnissamik isumaqatigiissut

Punkt 19: Lukket

Punkt 20: Lukket

Punkt 21: Lukket

Punkt 22: Lukket

Punkt 23: Lukket

Punkt T: Lukket

Punkt .: Tamalaat

Beslutning

Punkt .: Imaqarniliap akuerineqarnera

Beslutning

Imaqarniliaq akuersissutigineqarpoq nal. 19.20.